



BIBLIOTHECA  
UNIV. ZAGREB.  
CRAGOVITIBUS

kat.komp.


16240


Mag. St. Dr. I


Mag. St. Dr.













Des a

Des Magdeburgicum.

Kirsteyn Joan. Enthirition aliquot  
lucorum communiurum Juris Majdenburg.

Craen in off. Laz. Mathias Andreov.

1616.

Matery do. Groickuys. Poortel  
Sydrio.



2451 *Provo*



# ENCHIRIDION

aliquot locorum communi-  
um Iuris Maidenburgenſ.

*Per Joannem Kirſteyn CERASINVM, eiusdem Iuris  
in Arce Cracovieſ: Aduocatũ, obiter ex-  
plicatorum.*



*Forſitan hæc aliquũ, nam ſunt quoꝝ parua vocabit,  
Et ſi non proſunt ſingula, multa iuuant.*

C R A C O V I Æ,  
In Officina Lazari. Mathias Andreouieſ:  
Anno Domini, 1616.

*o. S. S. S.*







## PRÆFATIO.

**Q**uantum solitudinis & studij in Iure dicendo fuerit maioribus nostris, vel hinc aestimare licet. Quod illi Romanorum exemplum imitati (qui inclitas Solonis leges ex Græcia Romam transferunt) operæ precium quoque arbitrati sunt à vicinis Saxonibus petita Iura Maidenburgensia in Poloniam traducere. Quorum sensa, fieri potest, ut illius seculi homines rectius quam nunc fieri videmus, assequuti fuerint. At certe, ut meo exemplo dicam, ista ætate ingentem in illis cacitatem & profundissimam caliginem experior: Quis enim etiamsi Thesei filio nitatur, sese euoluere possit ex illis inexplicabilibus labyrinthis, ubi autor inextricabili mixtura omnia commiscens & confundens nunc ad Prouinciale, nunc ad Feudale, nunc ad Municipale Ius videtur oculos intendere. Huc accedunt complures scrupuli veteris linguæ Saxonice, quæ Iura Municipalia potissimum prodita sunt, de quibus etiam hoc tempore magna est inter scriptores contentio, dum vocem dubiam alius in hunc, alius in diuersum sensum contorquere nititur. Quemadmodum plerumque vsu venire solet, ubi res graues eiusmodi lingua prosperitati traduntur, quæ nullis neque regulis, neque præceptis est restricta. Porro interpretatio Latina, quæ obscuris lucem adferre debebat, eisdem quodammodo plus quam Cimmerijs tenebris est inuoluta. Quippe in qua, relicta sunt barbara vocabula waranda, warendare, Gerada, wergeldus, & alia eius generis, quæ nemo nisi Saxonice lingua peritus rectè intelligit. Scauola fertur ad Sulpicium Iure consultum dixisse. Turpe esse in foro versanti Ius ignorare in quo versatur: Quanam tandem ratione à culpa vacabunt nonnullarum Ciuitatum Oppidorumque Decuriones, qui ne à limine quidem penetralia Iurium, quibus quasi corporum neruis Ciuitatum & Oppidorum compago continetur, vnquam adierint. Et profecto qui eiusmodi imperitis hominibus Reipub: habenas committunt, non minus stultæ faciunt, quam qui vel pueris vel furiosis gladium tradendum

putant:

## Præfatio.

putant: quod aliquando grauissime & prudentissime dicentem auidini Illustriſſ. & fortissimum Heroa Dominum Ioannem Comitem à Tharnow Castellatum Cracouiens: quo inter principes viros neminè alium apud nos reperies in prudentia Iuris nostri summa cum laude magis versatum. Porro instituto satis probabili magnis stipendiis publice aluntur viri docti, qui partim leges Imperiales, partim Iura Canonica profitentur. At nullum hactenus vidi Professore, qui vel Regni Statuta generalia, vel iura Maidenburgensia sibi enarranda desumpsisset, quorum, nisi fallor, apud nos frequentior est vsus quam illorum. Hec mecum animo complectens, quum nuper ob pestis metum Craconia grassantis secedens pingui ocio vt, Plinio verbo vtar, abundarem, selegi ex Iure Maidenburgensi quosdam locos communes in Enchiridij formam, vt libellus sit gestatu commodior, redactos, quos in gratiam iuuentutis Polonæ breui enarratiuncula obiter explicandos existimaui, idq; meo more, pingui, quod aiunt, Minerva, non abstinens interim ab vsu receptis, etiam si barbaris, forensibus vocabulis, quibus, docendi causa tantisper vtendum erit: donec leguleorum centuriæ meliora inuenerint. Quæ quidem licet videantur, ita vt sunt, vulgata & protrita, tamen iuuentus ipsius rudimentis vtrumque imbuita, poterit deinde reliqua maiore cum fructu ex ipsis fontibus petere. Sed nasutus quis iam forte cauillabitur, inanem atque ociosam esse hanc meam opellam, vt qui in hoc Enchiridion congefferim, quæ ante hæc in Cracouiens: promptuario (quod rectius Index vocaretur) fusius sunt perscriptæ. Sit ita sanè: sed quæ tandem est inuidia, si vel alios quos locos obscuros explicauerim, vel quedam hic adiecerim in illo etiam promptuario antea pertractata: Quasi vero autor illud opus suum ex aliorum quoq; & præsertim Saxonici Iudicibus non confarcinari. Vetus est illud, & à Terentio vsurpatum: Nullum esse dictum, quod non dictum sit prius.



## Gerada seu Parapherna.



Væcunque doti accedunt. Geradæ nomine censentur, quæ ideo ab illis Græca voce Parapherna vocari solent. Quod si in peregrina Saxonica lingua diuinare licet, Gerada dicitur quicquid ultra dotem ad elocandam virginem datum est. Nam elocatam virginem Germanicè vocamus *ein-ausgeraten iungfraw* / & elocare au *fraten* inde quasi in nomen Latinum deslexa est vox Gerada, quæ vrentium sermonibus ad nos vsque est propagata. Quemadmodum verò pro diuersitate status hominum trifariam distincta sunt Iura Saxonica: Nempe in Feudale, Prouinciale, & Municipale. Quorum postremum peculiare est Ciuitatis Maidenburgen. ita etiam suis quæque finibus circumscriptam habent Geradam, eo quod diuersi diuersis quoque rebus filias suas matrimonio iungendas, vel mundo muliebri ornare, vel penum & rem familiarem sponsi instruere consueuerunt. Hinc est quod Iure Prouinciali ad Geradam pertinent anseres & oues, non alia quidem ratione nisi quod nupta illos ad mariti œconomiam secum traduxisse videtur: Quum tamē Iure Municipali eiusmodi pecora spectent ad hæreditatem. & in hac parte ingens est rerum confusio, dum ex beneficio cuiuslibet Iuris, (quod vt commemoratum est, trifariam diuiditur) peculiarem sibi quisque Geradam conatur vendicare.

Interpres Latinus Geradam nominat Vtensilia, voce magis trita quam recepta. intra curriculum anni & sex hebdomadarum repetenda sunt, tam arma bellica quam Gerada, alioqui cedunt Iudici. Spec: Saxo: lib: 1. art: 28. Et hoc notandum est singulariter quod eo in casu tam brevis introducta sit præscriptio.

### *Gerada seu*

Mulieres constante matrimonio nullam possessionem in rebus mobilibus sibi possunt vindicare, excepta Gerada. Inde consequitur etiam si in oclusa arcula, cuius sola vxor clauem haberet, reperiretur pecunia aut aliæ res mobiles, nihil tamē inde decederet iuribus mariti, ad quem ea omnia mobilia, iure quodā proprio, pertinent, de mpta sola, vt dictum est, Gerada. Quemadmodum habetur Spec: Sax. lib: 1. articulo 31. in textu & glosa.

Clericus non beneficiatus cum sorore sua æquali portione succedit in parapherna matris defunctæ. Spec: Saxon: lib: 1. art: 5. & adiecta est ibidem in glosa frigidissima ratio, nempe id fieri propter orationes quas fundunt & fundere debent vniuersaliter pro omnibus.

In glosa artic: 23. Iuris Municipalis habetur regula generalis, quod arma bellica quæ Herge w et vulgo dicuntur non nisi à morte agnati. Et Gerada duntaxat à morte cognatæ nomen suum sortiuntur. Hinc corruere videntur omnes argumentationes quæ partim in eadem glosa, partim in annotationibus marginalibus. Speculo Saxonum lib: 1. arti: 27. extant perscriptæ. Quod scilicet mulier viuens citra assensum cognatæ suæ non quæat Geradam alienare. Etenim si Gerada non nisi à morte possessorum in nomen & naturam suam transire potest, censentur ergo domini rerum non Geradā sed alia mobilia alienasse. Alioqui si vel agnati vel cognatæ viuentes tam diris legibus astringerentur, impediri eos necesse esset in propriarum rerum vsu ac dominio, quod à iurium sanctionibus prorsus est alienū. Et videmus vsu, qui teste Lilio corrector est legum, diuersum obseruari, ipsasque foeminas in humanis agentes quicquid eorum animo collibitum est, pro suo arbitrio de Gerada statuere.

Hoc indubitatum est, omnem mundum muliebrem & supellestem domesticam ad Geradam pertinere, sed cū

ca mo,



### *Pampherna.*

ea moderatione & restrictione, vt de illa tantum cognata superstiti cedat, quantum per defunctam consanguineam in ædes mariti illarum fuerit. Alioquin non solum ab æquitate remotum, sed in humanum etiam foret, maritum spoliare illis rebus quas suo sumptu durante matrimonio ad necessitatem domesticam comparauit.

Porro vasa aurea & argentea ad Hereditatem computantur. Reliqua omnia siue ex auro, argento, serico, panno, siue ex lineamateria in vsum ornandarum aut vestiendarum mulierum fabricata & concinata, quæque illæ corporibus suis gestauerunt, ad Geradam pertinere dinoscuntur. Pannus vero, tella & alia eius generis, quæ parandis vestibus nondum concisa sunt, Geradæ iuribus haud quaquam subiacebunt.

Præterea Geradæ nomine censeri non debent res illæ, quibus mariti questum facere victumque parare consueverunt. Neque enim ornamenta mulierum, quæ vel à mercatoribus distrahantur, vel ab aurificibus fabricantur, in hanc classem sunt connumeranda. Eadem quoque ratio est Pandochæorum publicis diuersorij vitam sustentatum Iure Municipali articulo 23. in textu & glosa.

Immensum vero pelagus mihi esset ingrediendum, si omnia ad Geradam spectantia, quæ mundus muliebris complectitur, singillatim coner enumerare. In tanto enim luxu continuis auctibus increscente, in tanta denique gentium & morum diuersitate, Quis omnes vestium formas & species oratione complecti queat? præsertim cum ista tempestate, contempta maiorum frugalitate & modestia, nihil nisi exotica atque externa nobis placeant, ita luxu diffuente & reiecto patriæ vestitu in singulos fere dies, nouas easque monstruosas vestium formas inuitis plane oculis contuemur, à quibus enumerandis nam id infinitum esset, consulto abstinentes,

lecto.

### *Gerada seu*

lectorē ad ipsos iuriū fontes potius relegādū esse putauimus.

Quaquam vero non sum nescius modis omnibus fugiendam esse correctionem abrogationemq; iurium, quibus conderdis à sapientissimis viris magnopere sudatum esse conspiciamus. Et haud dubie constabat illis suorum consiliorum iusta ratio, quorum impulsu hæc & alia santienda existimarunt. Sed quoniam alia ætas alios mores postulat & proportionem temporū ac personarū, maximè ubi euidēs suasi vel necessitas vel utilitas, haud quaquam absurdū putarunt prudentissimi, quique Legumlatores pleraque aut mutare aut in vniuersum tollere. Proinde ego autor esse velim omnibus Ciuitatum Decurionibus & præfectis, vt Geradam ipsam, vti rem perniciosam, & perpetuum seminarium nunquam finiendarum litium è corpore Iuris penitus tollant, & à suis tribunalibus procul propellant. Idem etiam de armis bellicis sentio. Deinceps verò aliarum legum ac constitutionum exemplo, in omnia morientium bona succedant, quicumque aut propinquitatis, aut quæsito Iure ad hæreditatem vocantur, semota omni sexu aut personarum discretione, quæ nescio quam ob causam à Nomothetis Legum Maidenburgen: est inuenta, vt alius sit hæres Geradæ, alius armorum bellicorum aliorumq; bonorum, vt habetur in textu Spec: Sax: lib: 1. arti: 27. Quæ distinctio quid aliud peperit, quam fontem perpetuorum dissidiorum: Cuius rei deploranda exempla paucis retro actis diebus in vrbe Crauiē: & vidimus & detestati sumus: Eo enim ventum erat, vt gliscente lite, & vehementer exulceratis contendentium animis, Geradæ interpretationem & specificationem, quoniam latissime patet, ad suum quisque sensum mordicus trahere coneretur. Qua de re, adhuc sub Iudice his pendet, incertum quem nam exitum sit habitura. Quis enim, vt reddeam vnde digressus sum, non abominetur nimiam in hac

parte



*Pampherna.*

parte Saxonicarum Legum duriciem, seu absurditatem potius, qua effectum est, ut sæpè numero cognatæ in quarta aut quinta linea in succèdo prælatæ sunt filijs & suis hæredibus, quibus tamen de iure communi legitima debebatur: Et ut res proposito exemplo magis inclarescat. Decedit mater sumptuosa & splendida, cuius tota substantia consistit in mundo muliebri, vnico filio aut pluribus relictis, quibus meritò æquitate suadente competeret bonorum maternorum successio, & tamen ex obseruatione Iuris Maidenburgen: per cognatam à percipienda Gerada pessimo exemplo excluduntur. Hæc si non est execranda impietas summæ crudelitati coniuncta, haud scio quid deinceps impietatis nomine cēseri possit? Hisce atq; alijs decausis non ita pridem Consultatus & populus Cracouien: sua plebiscita de Gerada partim moderati sunt, partim abrogarunt: Quorum quidem exemplum si reliquæ Ciuitates in hac parte æmularentur, cernere esset breui multos intestinorū dissidiorum fomites è medio sublato iri.

*Arma bellica: Heerge-wet.*

**A**Rma bellica pro corpore vnus viri, & quæ ad ea connumerantur, de iure proueniunt agnato: Si quidem fuerit militiæ cingulo insignitus, id enim liquido textus indicat Spec: Sax: lib: i. art: 27. Quanquam vsus diuersum obtinuit, ut non obseruatu sanguinis & natalium discrimine, agnatis ea arma cedant. Vbi vero duobus tribusue ad vna eademque arma agnationis iura competunt, senior in tutelæ signum gladium præ alijs accipit, in reliquis æquali diuisionis portione gaudebunt.

Interpres Latinus vocat arma bellica expeditorias. Quia verò inter arma bellica connumerantur quotidianæ vestes, eas nimirum intelligi debere Scabini Lipsen: definiunt: quæ

### *Arma bellica*

quotidianis vsibus & bello gerendo seruiunt, non autem eas quæ ad cultum decori atque honestatis causa comparantur. Atq; inde nonnulli à contrario sensu argumentum ducunt ad Geradam simili quoq; modo duntaxat quotidianas vestes pertinere, quod tamen à vero est alienum.

Iam si quis exemplo Geradæ, ipsa etiam arma bellica è corpore iuris procul eliminanda censeret, sequuturus in adeundis hæreditatibus secundùm præclaras Legum sanctiones, illam ab omnibus merito laudatam æqualitatem, non admodum refragabor, faceret enim ea res plurimum, tum ad alendam animorum concordiam, quæ est tenacissimum retinendæ ciuilis societatis vinculum, tum etiam ad remouendas dissidiorum ansas, quæ plerumq; ex ista iurium diuersitate nasci consueuerunt: Interim tamen nemini quicquam decederet, si vniuersi vna eademq; lege tenerentur. Sed in his fruatur suo quisq; iudicio:

Quæ autem ex iuris præscripto ad arma bellica pertineant, consule. Spè: Sa: lib: 1. art: 22. 23. 27. Iure Mun: art: 25. 26.

### *Varanda.*

**V**T autem actorum querelæ intra certos fines consistèrent, neque reum continuis libelli mutationibus fluctuantem, quid potissimum respondendum sit suspensum teneret, inuentum est remedium per Varandam quæ vox, vt est Saxonica, si ad linguæ Latinæ ethymon spectes cuius actionem significare videtur. cuius ea potissima vis est, vt illa per actorem præstita, iam nulla amplius ei mutandi & augendi libelli relinquatur facultas.

Varandam maximè requirunt actiones criminales, vt potè cuius violatæ grauiore etiam pœnæ sequuntur, nempe amputatio eius manus, qua quis Varandam præstiterit. Vtusenim illā quoq; introduxit ad actiones Ciuiles. Hanc po-

ssimum



### *Varanda.*

tiffimum ob causam, ut auctores hoc iuris beneficio à crebra libellorum variatione cohiberentur. Spe: Sa: lib: 2. art: 15. 26.

Receptum est vulgato more, Varandam creditis atq; tunica inuolutis digitis præstari, quæ res plerisq; videtur habere magnam absurditatem. Nam si accuratius excuseris plerosque locos de Varanda præscriptos, comperies eos magis referri ad promittendam quam præstandam Varandam. Inde conuenientius esset, meo equidem iudicio, ut auctor data dextra Iudici Varandam, id est, cuictionem promitteret. Nō desunt etiam hoc tempore captiosi rabulæ qui ab auctoribus non verentur sub inde postulare Varandam cautione firmati. Quod quum nulla iuris ratione, sed duntaxat ad eludendos auctores excogitatum sit, manifestam denique contineat iniquitatem, non est trahendum ad consequentias. Nam per istam viam & captiuinculam externi ac tenuioris fortunæ homines; prosequendis causis suis propulsarentur. Quomodo enim satis daret homo tenuis. ignotus aduena? qui alioqui, deficientibus fideiussoribus, ad iuratoriam cautionem esse admittendus: Neque mihi satis faciunt quæ pro diuersa sententia, ex glosa Iure Mun: art: 23. allegantur. Nam articulus 15. lib: 2. Spec: Sax: ibidem in medium adductus, planè diuersum sentire videtur, ad promissionem, ut dictum est, omnia referens.

Posteaquam urgente reo, actor Varandam præstiterit, non poterit deinde reus neq; ullis exceptionibus responsionem declinare, neque auctori iuramentum deferre, sed cogitur sine ambagibus & diuerticulis ad libellum respondere. Et enim per susceptionem Varandæ iam censetur sese ad respondendum obligasse Spec: Sax: lib: 1. art: 6. .

### *Dos Dotalicium.*

**I**nterpres Latinus ista vocabula Dos & Dotalicium multis

### *Dos Dotalicium.*

in locis confundit vnum pro altero vsurpans, quum tamen in eis magna sit diuersitas. Quem errorem si quis euitare velit, Dotalicium propriè vocabit, vel Donationem propter nuptias, vel donationem causa mortis à cuius euentu ipsa potissimum pendet. Dotis vero nomen complectitur quicquid bonorum per nuptam propter onera matrimonii marito confertur, cuius æstimationi, Dotalicium quoque ( vtendū est enim vocibus forensibus ) respondere debet, nisi in patris alter conuenerit, Inde vocamus virginem bene dotatā. Et Comici pudicitiam optimam dotem nominant.

Iure Prouinciāli ad Dotalicium computantur serui, ancillæ, pecora, ædificiaque, vt habetur Spec: Sax. lib: 1. art: 20. Proinde eam donationis speciem à viris equestris ordinis maximè frequentatam, autor vocat Sponsaliciam largitatem. Ea fiebat postridiè nuptiarum, antequam mensæ accumbebant quando sponsus sponsæ dono dedit seruum, ancillam, pecora, & alia id genus. Sed ea quoque iam exoleuit posteaquam coruscante Euangelii luce seruitutum & mancipiorū tenebrosa Barbaries apud Christianos euanuit.

Prudentissimi Legum conditores consulere volentes mulierum fragilitati, hac illas prærogatiua condonandas esse putarunt, vt in probando Dotalicio deficientibus testibus, illarum iuramento stetur. Ad demonstrandam autem, possessionem testes requirebantur: vt habet textus Spec: Sax: lib: 1. artic: 20. Et fuerunt fortassis aliquando synceriora tempora, quibus per hanc constitutionem nemo se grauatum sensit. At hoc seculo plusquam ferreo dum homines furis quodam modo exagitati ad omne nefas ruunt præcipientes, nihil hac lege perniciosius, inuentæ sunt nostra tempestate viduæ, quæ reiecto pudore, immemores fidei & debiti coniugalīs, oblitæ deniquæ filiorum filiarumque, ausæ fuerint repugnantæ propria conscientia de ingentibus peccuniarū

suminis



### *Dos Dotalicium.*

summis, edere iniquissima iuramenta, & tenellis pueris per summum scelus & impietatem, bonam substantiæ paternæ portionem fraudulenter eripere, nihil interim adiuuantibus bonorum virorum contrariis testimoniis, quæ in plerisq; casibus reiecta esse memini ab his, qui literæ potius quàm æquitati mordicus inhærentes à summo illo & stricto iure putarunt minime recedendum esse: quasi vero iura, quæ tuendis oppressis condita sunt, esse debeant rapinarum patrociniæ & adminicula: Hæc deplorare licet, emendare non item. Vtinam principes viri qui ad gubernacula Reipub: sedēt, eam sibi curam aliquando desumerent. Et meo sanè iudicio. facillimum esset huic malo dignum remedium inuenire. Nimirum si nullum Dotalicium esset ratum, quod mox à nuptiis non sit in publica Actorum monumenta relatum. Nam quum ista ætate non solum in Ciuitatibus & Oppidulis, sed etiam in Pagis passim acta habeantur, quid quæso facilius quàm Dotalicium Actis inscribere, & futuris litibus difficultatibusque viam præcludere.

Maritus si vxori Dotalicium denominet super omnibus bonis suis indistincte, & deinde eadem bona durāte matrimonio obligationum nexibus inuoluat, creditor ille obligatione fretus præfertur tam Dotalicio, quam aliis creditoribus Dotalicium vero succedit, secundum apertam glossā Iure Mun: art: 22. Concordat etiam L. fina. C. Qui potio. in pig. ha. Quanquam non sum nescius quosdam Iudices in vltima instantia non ita pridem diuersum pronunciaſſe. Sed nobis semper ob oculos positum esse debet, non exemplis sed legibus iudicari oportere.

Vbi maritus viuens nihil Dotalicij nomine vxori designauit, eo decedente, illa in tertiam bonorum mariti defuncti portionē succedit, siquidem ea cōmuni opera & sudore parta fuerint, sin minus, quarta bonorum parte illam con-

### *Vsucapio.*

tentam esse oportebit, quanquam vsus & consuetudo magis tertiam bonorum portionem complectuntur. Spe: Sax: lib: 1. art: 21. & 24. & Iure Munic: artic: 72.

Viduz licet à morte mariti Dotalicium suum in quemcumque voluerit vel hæredem, vel extraneum pro suo arbitratu transferre. Quod si forte non sit inscriptum, parum efficax esse censetur omnis cessio, nisi illa viuens re ipsa perceptum Dotalicium in suam ipsius possessionem acquisiuisset. Ideo fieri videtur, quod viduz in viuis existentes, ex Iuris beneficio ad probationem Dotalicii per iuramenta admittuntur. Quæ quidem prærogatiua an illius hæredibus competat, nondum video definitum esse.

Porro articulum 38. Lib: 3. qui ad præsentem causam nonnihil alludere videtur, in Germanicis voluminibus clarioribus verbis perscriptum inuenio: Nempe vxorem non posse viuente marito Dotalicium ad hæredes suos transmittere, nisi posteaquam ab ipsius morte illud perceperit.

Quod vero autor meminit Dotalicij possessionem testibus probandam esse, hoc eo pertinet, quod rudi illo seculo Iudicum tribunalia Actorum monumētis carebant, quicquid tum gerebatur, vel Iudicum, vel testium probationibus demonstrari oportebat, quod etiam elarius liquet ex textu art: 57. Iure Municipali,

### *Vsucapio seu Præscriptio.*

**M**odestinus in lib: 3. ff. de Vsucap. aptissimè deffinit præscriptionē, quæ alias Vsucapio dicitur. Vsucapio inquit, est acquisitio vel adiectio domini per continuationē possessionis, temporis lege deffiniti, hoc est, dum ex sola cōtinuata, & non interrupta bonorum possessione, nullis aliis iurium titulis accedentibus ipsi possessori us acquiritur. Alioqui si ei competunt alij legitimi, successionum, emptionū

aut dona



*seu præscriptio.*

aut donationum tituli, nihil prorsus opus habet præscriptionum adminiculis. Et quoniam Regulariter omnis actio siue in rem. siue in personam spacio triginta annorum tollitur, ita etiam de iure nostro quicumque per curriculum triginta vnus anni & sex septimanarum, continuam & non interpellatam bonorum possessionem obtinuerit, iam præscriptione tam contra presentes, quam absentes satis munitus, minime necesse habet alios titulos in medium adferre. Spec: Sax: lib: 1. artic: 29.

Præscriptionum multa sunt genera, vt potè annorum, mensium, dierum, sed quantum commemori, in iure nostro duo duntaxat reperiuntur. nempe longissimi temporis præscriptio, quæ spatio 31. anni & sex septimanarum finitur, & alia, quæ reuolutio, anno & sex hebdomadibus absoluitur. Inuenta est autem ob id præscriptio, ne rerum dominia essent in incerto.

Ad veram præscriptionem requiritur titulus, bona fides, & possessio vt ipsa bona, ab eo quem credas verum Dominum esse, legitima traditione & possessione interueniente, consequare. Alioqui vsucapio non procedit sine titulo & possessione, quæ est stabilissimum fundamentum præscriptionis. Spec: Sax: Libro 1. articulo 29.

Res fisci, res sacræ & furtiuæ, deniq; mutua, commodata, & deposita non præscribunt, L. Neque C. quib. non ob: lon: tem: præ.

Ex textu art: 44. Lib: 2. 55. colligitur anni & diei continuatam possessionem, confirmare præscriptionem, neque distinguitur num de mobilibus aut immobilibus bonis hoc sit accipiendum. Per annum autem & diem intellige annum & sex hebdomadas quæ loquendi forma clarius explicatur per artic: 28. Libro 1. Spec: Sax.

In bonis immobilibus contra absentes præscribitur in

31. anno

### *Possessio.*

31. anno & die. Contra præsentes vero donationem bonorum audientes & tacentes in instanti procedit præscriptio, *Spe: Sax. Lib: 2. art. 6.*

Pueris iusta ætate carentibus nulla nocet præscriptio, nisi egressi annum xiiij. per vnus anni & sex septimanarum spacia tacendo iuri suo derogauerint. *Iure Municip: articulo 21. in glosa.*

Bona mobilia intra anni currentis terminum præscribunt, id eò fieri videtur, quòd venditor non tenetur illa longius quam anno & die euincere secundum artic: 21. *Iure Municip: Cuius diuersum licet habetur. Sp. Sax: Lib: 3. art. 83. & Iure Munic. art. 30.* Vbi euictio ad vitam venditoris, quam diu in humanis est, astringitur: quod tamen contra absentes est intelligendum, aut ad illam longissimi temporis præscriptionem, de qua supra dictum est, redigendum. Nam contra præsentes sufficit vnus anni & dici euictio.

Bona per successionem acquisita & antequam adeantur, repræsantant personam defuncti, cuius possessio adminiculo est hæredi ad confirmandam præscriptionem, eo quod in illud ipsum possessionis ius successisse videtur.

Secundum Legum Imperialium sanctiones diuersæ à nostris habentur præscriptiones. Sed à nobis nostri Legislatoris placita sequenda sunt.

### *Possessio.*

**P**ER possessionem acquiruntur & confirmantur dominia rerum, cuius ea vis est. vt ab illa nemo exturbari debeat, nisi iure conuictus. *Sp. Sax. Lib: 2. art. 24.*

Possessor propior est mettertius ad rei vendicationem & probationem quam quod ab actore conuinci queat, & hoc intelligendum de causis, in quibus nulla scriptura interuenit. *Sp. Sax. Lib: 1. art. 15. & lib: 3. art. 4.*



### *Probationes.*

Ad veram possessionem requiritur bona fides, ut scilicet venditorem, vel eum, à quo ius quæsitum nactus est emptor, credat esse verum Dominum rei sibi traditæ. Specu. Saxo. Libro 1. articulo 29.

Possessori non incumbit necessitas probandi iuris sui, si actor in probatione defecerit. Sp. Sax. Lib: 3. arti. 4.

Ex trina debitoris contumacia creditor Iudicis autoritate mittendus est in bonorum eius possessionem, reservata tamen defensione legitimi impedimenti. Sp. Sa. Li: 2. art. 24.

Possessores soli seu bonorum immobilium ad satisfactionem non tenentur nisi tanti quanti ad æstimationem litis bona non accedunt Spec: Sax: lib: 2. artic: 5.

De variis modis acquirendæ possessionis consule art. 44. lib: 2. Spec: Sax.

Magna est utilitas possessionis. Etenim quando petitoris & possessoris iura sunt, vel ambigua, vel obscura, semper pro possessore iudicatur ff. de reg: iu.

Possessio non requiritur eorum bonorum, quæ per successionem obveniunt. Spec: Sax: lib: 3. art: 83. in glo. a. Nam hæres nititur iure suorum antecessorum.

### *Probationes.*

**P**roprietas bonorum immobilium in locis Actorum monumentis carentibus, probanda est septem virorum testimoniiis eo in loco residentium, & fixas sedes habentium. Iure Mun: art: 106.

Soluti debiti probationem debitorem facere oportet, duobus testibus solutionem videntibus & audientibus, quæadmodum manifeste requirit textus. art: 6. lib: 2. Spec: Sax.

Et quemadmodum obligationes inscriptionesque ex Actis depromptæ, similibus Actorum inscriptionibus enervantur, ita etiam testium depositiones tot contrariis testimoniiis

### *Probationes.*

niis per reum ex iuris præscripto refelluntur, eo quod iura, tutas esse voluerunt reorum causas, quæ talibus probationibus nitantur, qualibus Actores litem instituerint. Et tamen contra hunc receptum iuris ordinem, nunc pessimo exemplo probationes soluti debiti per chirographum obligati, debitoribus vna cum duobus testibus passim admittuntur. Quæ licentia eo res rediit, vt hoc tempore nulla scriptura viribus suis consistat, nullum firmitatis pōdus relinquatur chirographis, quibus haud scio, an aliqua efficacior probatio alia inueniri queat. Quid enim facilius perditis hominibus ære alieno obrutis, quam allegare solutionem, & miseri creditoris loculos nequiter defraudare? Rectius multo in eo casu sentire videtur Iustinianus Imp: ff. de reg. iu. Nihil, inquit, tam naturale est, quam eodem genere quodque dissolvere, quo colligatum est: ideoq; verborum obligatio verbis tollitur: nudi consensus obligatio contrario consensu dissoluitur. Ex hac iuris regula conspicuum est chirographa non posse testibus sed contraria apocha. quam nos Quittantiam vocamus dissolui. Taceo interim summam iniquitatem, quæ apud Iudicium subsellia creditoribus imponi solet. Conducuntur quodam modo frusto panis ex triuio homines vanissimi, quibus ne per somnium quidem causa vnquam fuit cognita. His conceptis verbis iurant, imo petierant iusiurandum ab illorum principali æditum, esse verum & iustum. Quid hoc est aliud, quam per impietatem illudere religioni, dum alio Actoris querela, alio purgationis verba spectant. Neque verò me quicquam mouet aliquorum negotiatorū ea in re sententia, causantium ita fieri oportere, quod plerūque à percepta solutione chirographa detenta relinquuntur in creditorum manibus. Sit ita sanè, sed eam oscitantiam suo damno luat quisquis sua negotia, tam negligenter & frigide curauerit, vt numerans æs alienum chirographis inscriptum  
neque



### *Probationes.*

neque autographum, neque quittantiam postendam esse in  
animum induxerit, est enim res parui laboris quittantiā scri-  
bere, aut scriptam à creditoribus petere. Nobis autem di-  
ligenter prospiciendum est, vt contractuum & chirographo-  
rum firmitas illabefactata consistat, ne fenestris ad nequitia-  
m apertis, deinceps omnia quæ constituta sunt, vno codē  
que motu concidant, irrita que reddantur & inania. Ego in  
hac parte ex æquo & bono sententiam meam aperui sequa-  
tur interim veterem saluam quisquis volet, & vtatur suo lē-  
su quo abundat.

Exprobationum legitimarum inopia deuenitur ad iu-  
ramentum, quod est extraordinariæ probationis subsidium,  
Spec: Sax: lib: 1. artic: 18. 22.

Probationis terminus est peremptorius, & communi-  
ter producendis testibus, datur terminus sex septimanarum.  
Spec: Sax: lib: 1. artic: 62. Iure Mun: art: 17.

Probatio de iure communi incumbit Actori, ex obser-  
uatione autem iuris nostri, reo quoq; per iuramentum im-  
ponitur probatio suæ negationis, quod Legum Imp: profes-  
soribus sanè quam absurdum videtur, eo quod per rerum  
naturam factum negantis probatio nulla sit. Potest tamen  
ea negatiua probari, quæ coniunctam habet alicuius, vel lo-  
ci, vel temporis circumstantiam, vt potè de eadē certo in  
loco & tempore perpetrata si quis infirmulatus fuerit, facile  
potest suam negatiuam probare, si ostenderit sub tempus  
commisæ eadē se alio quopiam in loco egisse.

### *Debita.*

**D**ebitorum atque æris alieni vt sunt variæ actiones ita e-  
tiam secundum responsonum varietatem diuersis mo-  
dis deciduntur. Confitentes debitum ex officio Iudicis seu  
Prætoris ad soluendum compelluntur, confelsi enim pro iu-

### *Debita.*

dicatis habendi sunt, simpliciter negantes iuramento absol-  
uuntur. At ubi Actor suam propositionem testibus roborauit,  
non potest reus ad negationem confugiens, simplici iu-  
reiurando elabi, sed ad purgandum esse tot testes, seu com-  
purgatores adhibere necesse habet quotquot Actor ē pro-  
duxisse constiterit. Nam exceptione utens reus quodam  
modo fit actor, qui autem non inficiatur quidem se debito-  
rem fuisse, subiungens tamen, se pro eo debito satis fecisse,  
si assertionem suam duorum virorum testimoniis firmatam  
interueniente iureiurando ut antea quoque dictum proba-  
uerit, Liberabitur ab impetitione Actoris. Iure Mu. art. 68.

Hic obseruet Lector regulam generalem, Cum quali-  
cunq; genere probationum Actor litem suam aduersus reū  
prosequitur, cum talibus vicissim probationibus reus factū  
negans, potest totam actionem permere culpamq; diluere,  
nempe aduersus obligationem ex Actorum monumentis  
transfusam, opponenda est ex Actis Apocha seu Quittantia,  
alioqui condemnatur reus. Contra chirographa pari modo  
requiritur apocha, testes testibus refelluntur, Actoris nulla  
intercedente scriptura affirmatiua assertio per partis conue-  
ntē negatiuam iureiurādo adhibito diluitur. Et sanē non im-  
merito mirum videri possit lectori curioso, qui fiat, ut in iu-  
re nostro actore nudis verbis litem prosequente, & nihil  
omnino probante, tamen reo neganti tam dura legis con-  
ditio imponitur, ut cogatur negatiuam suam iureiurando ap-  
probare, & suæ innocentie in testem Deum vocare, imo cur  
non tantum fidei habetur nudis verbis rei, quantum actori,  
quum alioqui passim omnes in ore habeamus. Iura ipsa ma-  
gis patrocinari reis quam actoribus, & alia eius generis qua  
saepē magno cachinno, aduersus iurium nostrorum auctores  
à nonnullis leguleis exagitari consueuerunt. Sed soluat hūc  
nodum plane Herculeum qui potest, ego pro ingeni, me

tenuitate



## *Debita.*

tenuitate quid respondendum sit non habeo. nisi ita placuisse Legislatori. Neque enim omnium quæ à maioribus tradita sunt, ratio reddi potest L. Non ff. de legib.

Debiti confessi & Iudicati, solutio ex officio Iudicis, inter Cives præsentis decernenda est. primum ad spacium quindene, deinde ad diem octauam, postea ad triduum hinc, ad solis occasum, postremo durante sessione Iudicum, inter hospites vero ad triduum. Quanquam Leges longiora tempora debitoribus indulgent, & quoties iudicis decreto non fuerit satisfactum, tones debitor illi multam succumbit.

In omnibus obligationibus in quibus dies non ponitur, præsentis die debetur ff. de reg. iu.

Contra debitorem in viuis existentem, non tenentur hæredes mortui creditoris debitum probare, vt de quo illi satis compertum esse potest, sed reo ad libellum respondentis incumbit iuxta defensionis probatio. Specu. Saxo. lib. 3. artic. 31. in glosa.

Debita verò quæ à successoribus defuncti debitoris repetuntur actorem probare necesse est secundum naturam mortuæ manus, vt docendi causa, forensi voce vti liceat, hoc est metseptimus eo quod verisimile est, hæredibus non liquere de contractibus ab eorum prædecessoribus initis. Quod si conuenti debitum inficiati fuerint, tot similiter testibus iurciurando interposito, ab actione liberabuntur. Porro de proprio debito inculparos, aut confiteri, aut negare oportere manifesti iuris est. Hic meminerit Lector mortuam manum vt ad normam linguæ Saxonice dicam, esse actionis genus, qua hæredes pro ære alieno conueniuntur, per eos nimirum contracto, in quorum ipsi bona successerunt. Specu: Saxo: lib: 2. art. 31.

Debita ante trigessimum diem à morte debitoris, non sunt ab hæredibus petenda.

### *Iusurandum*

Ad solutionem vniuersi æris alieni tenetur, quicumque vel tutorio, vel successione nomine; inuentario non confecto, sese in bona cuiuspiam ingerendum duxit, qui alioqui non esset soluendo astrictus, nisi secundum vires substantiæ reliquæ. Sp. Sax. lib. 1. art. 6.

Debitorum solutio in primis petenda est ex bonis mobilibus, quibus deficientibus descenditur ad fundos, seu bona immobilia. Ad quem quidem iuris gradum priusquam veniatur, debitorem ex forensi obseruatione prius iusiurandum ædere oportet se carere aliis rebus quibus creditori satisfieri queat, alioqui si nihil neque mobilium, neque immobilium bonorum suppetat, nullo etiam existente vadimonio, debitor carceri traditur, corpore luiturus quod ære fuerat soluendum. Sp. Sax. lib. 3. art. 39.

Debito soluendo si non suppetunt nummi recurrendum est, eo, quo dictum est, modo ad pignora siue sint mobilia, siue immobilia, quibus distrahendis ac vendendis datur spacium sex septimanarum. Sp. Saxo: lib. 1. art. 70.

Debita petitor, illorum causam atque originem, urgente reo, tenetur declarare. Spec: Sax. lib. 3. art. 41.

Debitorum conuicti qui soluendo non erant, olim creditoribus tradebantur compedibus innectendi: quod quum non solum Legibus, quæ priuatos carceres prohibent, sed etiam rationi aduersaretur, non iniuria deinde à posteritate æquissimis de causis est abrogatum. Sp. Sax. lib. 3. art. 39.

Pro debitis per ludum & aleam contractis, non datur actio, nisi forte qui prius post illud tempus de soluendo promiserit, nam tum sublata esse videtur prima causa turpitudinis. Sp. Sax. lib. 1. art. 6. Iure Municip. art. 103.

### *Iusiurandum seu Iuramentum.*

**I**uramentum est remedium Iuris extraordinarium, ad quod non nisi



*ſeu Iuramentum.*

non niſi aliis probationibus deficientibus eſt recurrendum. Spec: Sax. lib: 1. articulo 18.

Contra Iuramentum non datur alia probatio Specu: Saxo: lib: 1. art: 18.

Periuri & quicumq; aut furto, aut ſpoliis beneficia iuris amiſerunt, per iuramentum ſe purgare non poſſunt. Spec: Saxo: lib: 1. articulo 39.

Compurgatores iurant iuſtum eſſe iuramentum, ab eorum principali editum. Spe: Saxo: lib: 1. art. 39.

Quæ olim in cauſis criminalibus duello, nunc ſeptem virorum teſtimonio deciduntur. Eodem libro & ti.

De periurio noſtro iure non datur actio nam iuſiurandi contempta religio, Deum ſolum habet ultorem L. iuſiu C. de reb cre.

Reo non licet poſt ſuſceptam ab Actore Varandam illi iuramentum deferre. Similiter quoque ſi actor in ſua querimonia cauſam retulit ad conſcientiam rei, non poteſt ille viciffim iuramentum actori referre, ſed cogitur ſine diuerticulis ad libellum æditum reſpondere Spe. Sa. lib: 1. art. 6.

Quæ in animo conſiſtunt, ſolo iuramento purgantur.

Communis obambulat opinio, Iuramentum calumnie in iure noſtro locum non habere. Sed Scabini Lipſenſes rectius multo, niſi fallor, pronunciant, illud ſi petatur in omni parte litis tam ab actore, quam reo ædi oportere. Habet autem iſtas potiſſimum formulas. Primò. quod non calumniandi animo litem moueat. Secundò, quod bonam cauſam, & iuſtam deſenſionem ſe habere putet. Tertiò, quod in lite nullam exiget probationem, niſi quam exiſtimet eſſe neceſſariam. Quartò, quod nullam allegationem cauſa differendi negotii proponet. Quintò, quod neminem muneribus corrumpet.

Olim variæ erant pro cauſarum diuerſitate iuramentorum for-

### *Cautio*

rum formulæ, nimirum cum 70. 21. 7. 3. testibus. Sed haudquaquam video in quem usum aut fructum fuerint excogitata, quum testium numerus nihil neque auget, neque confirmat iurantis fidem, eò quòd, cum purgatores, quemadmodum alio loco dictum, non præstant iusiurandum de causa principali, quod alioqui per se satis iniquum esset, pro alieno facto alium iurare. L. Marcell: ff. de actio. rerum amò. Ea absurditas, hodie in curijs Ducum Saxoniz restricta est, & secundum Matthæum Cap: 18. In ore duorum aut trium stat omne testimonium.

Iuramentum habet vim iudicati.

Iuramentum est finis omnis controuersiz Hiero. in Ezech. cap. 16.

Iuramentum definito tempore non præstans, in lite, nisi legitimo impedimento adiutus fuerit, condemnatur. Spec. Sax. lib. 2. articulo 11.

### *Cautio Fideiussoria.*

**A**Duersus fideiussorem agere non licet, quamdiu principalis conueniri potest, alioqui si absit, petendus est terminus ad illum sistendum. Spec. Sa. lib. 1. art. 6.

Fideiussor coniunctæ manus, ut vocant, hoc est, quum inulti cauent de soluendo, ad iudicium vocatus, vniuersum ipse debitum numerare cogitur, sed ea lege, si eius socii vel non sunt soluendo, vel conueniri nequeunt, Alioqui si plures conuenti fuerint, tum ex beneficio Diui Adriani actio scinditur in virilem portionem pro sua quisque sorte numerant. Iu: Mu. art. 31. Sed plenius Sp. Sa. lib: 3. art. 85.

Pro debito accusatum & nondum conuictum si qui iudicio sistere promiserit, atque ille interim è vita decedat, non tenetur fideiussor defunctum sistere, sed ab ipsa cautio ne liberabitur, si modo principalem vita sublatum esse de-

monstra-



### *fideiussoria.*

monstrauerit. *Spe. Sa. lib: 3. art. 10.*

Fideiussor succedit in locum & omnia onera principalis debitoris, ita nimirum ut illi ut liceat omnibus exceptionibus, defensionibusque, quibus ille ad tuendam causam suam usus fuerat. *Iur. Muni. art. 34. glo.*

Minoris est periculi cautionem interponere, in actionibus criminalibus quam civilibus. Hic enim fideiussor cogitur omnia principalis onera subire, in suosque humeros recipere. Illic vero numerato humani capitis precio, quod vulgo Vergeldum vocant, fideiussor à tota causa absoluitur, imo ubicumque intercedit cautio, iam conquiescit rigor actionis poenalis, neque fideiussores ipsi, etiam in grauissimis delictis, aliqua corporis poena plectuntur. Quocirca magistratum quemlibet cautum & oculatum esse decet. ne facinorosi homines per eiusmodi cautiones, scelerum impunitatem consequantur. *Sp: Sa. lib: 1. art. 65 Iu. Munic. art. 31.*

Qui rem soli possident, hoc est, qui ut vulgato more loquar sunt possessionati, non tenentur in actionibus iniuriarum cauere, aut satis dare. *Sp: Sa. lib: 2. art. 5.*

Tam actorem quam reum oportet fidei iubere de prosequenda lite, siquidem res soli non possederit. Eodem lib. & ti.

Antea commemoratum est, prius principalem quam fideiussorem conueniri oportere. Et licet diuersum in plerisque legibus habeatur, vulgi etiam opinio reclamat, afferentis plus fidei habitum esse fideiussori quam principali, tamen meminerit, lector priores leges esse correctas, & emendatas in Nouellis Iustiniani Col. 4. de fideiussoribus & mandator.

Si non assentiente fideiussore contractum inter creditorem & debitorem mutari contigerit, per eam nouationem tollitur fideiussionis obligatio vinculumque. *Spe: Saxo. lib. 3. artic: 9. Iu. Munic. articulo 117.*

Fideiubentes pro adendo iureiurando, si forte, ut sunt

## *Hereditas*

res humanæ factorum legibus obnoxia, reus ille ante præstitum iuramentum à vita migrarit, tenentur, vel ipse fideiussor, vel principalis hæredes constituta iuramenta exp're. Et quoniam res est nō solum pessimi exempli, sed etiam plena manifesti animarum periculi, quempiam iurare oportere de negotiis sibi incognitis. Ideo in glosa Sp. Sa. lib: 1. art. 11. proponuntur certæ formulæ, secundum quas conceptis verbis sit iurandum: Nempe fideiussor iurabit se certo credere, defunctum nihil illi debere: Hæres verò his verbis, sibi debito nihil constare. In euentu vero si fideiussor, aduersante nimirum & repugnante conscientia, iuramenti seueritatem subire detrectet, in lite condemnatur, ab ipso deinde hærede repetiturus, quanti iudicum decreto condemnatus fuerit.

## *Hereditas Successio.*

**H**ereditas est illud vniuersale & totum ius quod defuncto, in cuius bona successionis titulo vocamur, vnde cumque videtur competere. Spec. Sax. lib: 1. art. 6.

Est certissima iuris regula, Ex maleficiis poenales actiones in hæredes minime deriuari posse, nisi contra viuentem lis fuerit contestata, & hæres aliquid ex illo delicto possedisse conuincatur. Iusti. de perpe. acti.

Æs alienum à prædecessoribus contractum, hæres ex bonis relictis soluit, si eius debiti ratio illi fuerit secundum naturam mortuæ manus, de qua antea satis dictum, declarata. Iur. Municip. art. 26.

Ad legitimos hæredes non transmittuntur eorum bona, qui sunt Maiestatis rei, proscripti, negromantici, incantatores, deniq; eorum, qui nesciunt, neque possunt ciuitati suæ administrationis rationem reddere. Iu. Mun. art. 26. in glosa.

Funerum impensa cum primis est ab hereditate deducenda, & præcedit omne æs alienum Sp. Sa. lib: 1. art. 6.

*Ad hære-*



### *Succeſſio.*

Ad hæreditatem pertinent omnia. quæ in bonis morientium relinquuntur, in quibus adeundis æquali iure gaudent masculi cum fœminis, excepta Gerada & armis bellicis, quæ vt antea commemoratum peculiarem quandam habent diuerſitatem. Spe: Sa. lib: 1. art. 27.

Hæreditas de iure Maideburgen. finitur ſep̃imo gradu, ſecundum leges, decimo. Sp: Sax. lib: 1. articulo 3.

Hæreditas antequam adeatur, repræſentat perſonam deſuncti L. ceptam. ff. de uſuc.

Hæres negans bona accepiſſe, vnde æs alienum ſolui poſſet, conuictus deinde, ſilio negaſſe, duplici pœna mulctatur. Specu: Saxo. lib: 1. articulo 6.

Hæres patris promittentis fundum aliquem reſignare, non tenetur ſtare contractui paterno, ſi forte ille non perfectâ reſignatione mortem obierit, id eâ fit, quod filius in bonis paternis præfertur externo emptori, tenetur tamen pecuniam, ſi quam pater acceperit, reddere. Spe: Sax. lib: 1. art. 9.

In partienda hæreditate, ſeniori hæredi competit diuidendi prouincia, & minori natu eligendi prærogatiua. Spe: Saxon. lib: 3. articulo 29.

In repetenda hæreditate non præſcribitur niſi in 31 anno & ſex ſeptimanis, excepta Gerada & armis bellicis, quæ poſt vnus anni & ſex ſeptimanarum reuolutum curſum, præſcriptionum legibus ſubiiciuntur. Specu: Saxon: lib: 1. artic: 28. Cæterum redimendorum bonorum naturalis propinquitas, intra anni & diei curriculum extinguitur.

Hæredes emancipati ad diuiſionem cum reliquis cohæredibus non admittuntur, niſi prius tantum contulerint quantum conſtiterit eos antea accepiſſe. Quia vero in legitimâ non computantur quæ pater filio donauerit L. Si quando §. generaliter C. de inoffi. Teſt. Proinde conferre non tenentur quicquid parentes in viuis exiſtentes, liberis ſuis in armis,

### *Tutor*

vestibus, ornatu, & reliqua suppellectili domestica domo  
sedent. Sp. Sa. lib: 1. art. 13. & Iure Muni. art. 57. in glosa.

Hereditatem Germanicæ glosæ interpres, in plerisque  
locis improprie vocat fundum seu bona immobilia, nec mi-  
nus inepte etiam nude nominat proprium, haud dubie allu-  
dens ad Polonismum & vulgatam vocem *dziejnna*.

Hereditibus non extantibus, maritus & vxor sibi inui-  
cem succedunt, etiam filio excluso. C. vnde vir. L. 1. &  
Sp. Sa. lib: 3. art. 80. in glosa.

Heredes non tenentur seruare pacta locationis, si absq;  
illorum consensu bona locata, & quasi per indirectum ab il-  
lis alienata extiterint. Specu. Sax. lib: 3. art. 77.

Heredi non competit iniuriarum actio. L. Si eum. ff. Si  
quis cautionibus.

### *Tutor, Tutela.*

**T** Vtele functiones quemadmodum sunt plenæ periculo-  
rum, ita etiam quam latissime patent, quippe quum de  
nullo alio titulo quam de tutelis, earumq; circumstantiis ipsi  
Legumlatores iustis de causis fusius tractandū esse censuerūt.

Tutores sunt duplices: Datiui & Naturales. Datiui qui  
vel Testamento voluntate testatoris, vel per magistratum de-  
signantur. Naturales sunt agnati, cognati, mater, auia, sed  
his omnibus præferuntur testamentarii, etiam si res soli mi-  
nime possideant, sintq; ut vocant, impositi, tamen  
satisfacere non compelluntur, eò, quòd illorum fides testato-  
ris iudicio videtur esse satis approbata. Spe. Sax. lib: 1. art. 13.

Si ex linea, vel agnatorum, vel cognatorum plures co-  
currant æquali iure sibi tutelam vendicantes; ad Magistratū  
loci pertinet ex eorum numero deligere, quemnam pupillo-  
rum rationibus magis utile fore iudicauerint. Iure Mu. art. 26.

Tutor functionem suam à conscribendo Inventario au-

spicari



### *Tutela.*

spicari debet, alioqui aduersus eos in litem iurari solet, qui non confecto Inuentario haud quaquam dubitarunt muneri tutelari gerendo sese ingerere. Quod si hoc abque legitima causa pratermittatur, mox tutorem infestat alia difficultas, quod tenetur vniuersum æs alienum persolvere, etiam si non tantæ sint vires substantiæ pupillaris. Spec: Sax: lib: 1. art: 6. & lib: 1. artic: 23.

Tutor non tenetur de casu fortuito sed duntaxat de dolo & lata culpa. Est autem lata culpa nimia negligentia, id est non intelligere quod omnes intelligunt ff. de rerum & verborum sig.

Tutorum & curatorum officia non transeunt ad hæredes. Specu: Saxonum lib: 1. artic: 23.

Tutoribus suspectis & conuictis irrogatur infamia. Spec: Saxonum libro 1. articulo 41.

Neque rationem reddere, neque satisfacere tenentur tutores, quos manet expectatio successionis pupillorum. Speculo Sax: lib: 1. artic: 23. Iure Municip: artic: 26.

Tutori etiam per interpositam personam non licet emere res pupillares, idq; propter euitandam suspicionem intercedentis doli. Spec: Sax: lib: 1. artic: 44.

Tutorem alium vel curatorem potest substituere pupillus, posteaquam 14. ætatis annum attigerit. Iure Mun: art: 26.

Tutoribus non licet bona pupillorum vendendo distrahere, nisi sex legitimis causis præcedentibus, quæ tamen omnes prius sunt ob oculos ponendæ & comprobandæ. Illarum prima est soluendi dotæ licenti gratia. Secunda, propter pupillorum famem. Tertia, si bona à violentis occupatoribus non possent defendi. Quarta, propter extremam paupertatem. Quinta, propter damna ex obligationibus aut usuris prouenien. Sexta, propter necessitatem soluendorum liquidorum debitorum. Iure Mun: art: 26.

## *Tutor*

A tutela excusantur minores 25. annis, septuagenarum, parentes numerosæ sobolis, ægroti, pauperes. publicis officiis destinati, deniq; & hi, quibus cum parente pupillorum mimicitia intercesserint. Iure Munic art: 25.

Tutorum officium finem accipit constitutis curatoribus, ad quorum fidem omnia deinde pupillaria negocia pertinere dinoscuntur. L. à tuto. ff. de adm: & peti tu.

In confesso est tutelarem functionem esse modis omnibus periculosissimam, quod etiam satis innuit ex lib: ff. titulus de adminis: & periculo tutorum, à quibus ex bona fide talis in administrando diligentia, requiritur, qualem paterfamilias rebus suis præstare debet: Leges etiam dicunt pecunias pupillares intra sex primos menses in usuras collocandas esse, & plenius hunc locum tractat Iustinianus in Nouel: Coll: 72 vnde lecto reliqua petet.

Deniq; alia eius generis intollerabilia onera augendis pupillorum bonis, in tutorum humeros reclinantur: quibus accedit id, quod est omnium non solum grauissimum, sed etiam indignissimum, quod tutor non pupilli, ad quem redire debet utilitas, sed suo ipsius periculo pecuniam expendit. Iam si ista æqualitæ accuratius æstimeretur, nempe pupilli rem familiar. ex iuris præscripto augendam esse, ad illum emolumenta, ad tutorem vero non nisi pericula redire debere. Quem quædæ cordarum virum hæc, & alia his atrociora, à sub. undo tutelari munere merito non deterreant, & tamen Reipub: interest pupillos non esse destituendos. Damnatur legibus leonina societas, quod in æqualis sit lucri, & damnorum communicatio, certe eiusmodi tutelæ non multum à tali societate differant. Quoniam verò non nisi in casibus, qui in iure nostro desiderantur ad LL. Imperiales recurrendum est. Proinde neglecta ista legum seueritate, in præsentis casu pecuniarum pupillarum, standum esse con-

### *Tutela.*

scio glo & Iuris Munciet art: 26. hoc ipsum negotium liquido complecten. Et haudquaquam scio quibus de causis iste articulus per optimum & doctissimū virum Nicolaum Iaskyer interpretem in Cracouien. exemplaribus sit prætermisus. Habetur autem in Germanicis archetypis secundum iustam interpretationem in hæc verba. Sciendum quod bona pupillorum, neq; aliquid lucri parare, neq; damni quidpiam sustinere profunt, propterea quod illa tutor suo proprio, & non pupilli periculo expendit, quippe qui tenetur ab anno in annum de pupilli bonis rationem reddere, & summam capitalem saluam conseruare, nisi forte illa absq; eius culpa negligentiāq; perierit, de quo per iuramentum vnica manu se purgare cogitur pupillis adultis & nemini alteri &c. Quin etiam apud equestrem ordinem atque in ipsa vrbe Cracouien: ista hætenus extitit obseruatio, quod tutores loco certo intactam relinquentes pecuniam pupillarem, præter sortem nihil vnquam coacti sunt pendere. Diuersa autem est ratio eorum, qui acceptam pecuniam in suos, aut aliorum vsus collocandam putant, à quibus ad arbitrium boni viri, iure optimo vsura est exigenda:

Tutoribus testamentariis & naturalibus deficientibus, mater & auia ad tutelæ functionem reliquis omnibus mulieribus exclusis, vocantur, prout habetur in nouell. de hære: ab intestato veni. Coll. 118. Mulieribus, inquit Imperator, & nos tutelæ munera subire interdiciamus, nisi mater aut auia sit. Nam his solis, pro successionis hæreditariæ ordine tutelam subire permitimus, si apud acta tam secundis nuptiis, quam Velleiani Senatus consulti auxilio renuntiauerint, solis testamentariis tutoribus eas anteuerrentibus. Sp. S. lib: 1 art. 11.

Ad matrem pertinet, intra annum suis liberis tutores petere, adeò vt nisi id fecerit, ab impuberum morientium successionē repellitur. Iusti ad Senatus con. Tert.

Tutore



### *Tutor Tutela.*

Tutorem rem immobilem pupilli sine causa alienante, potest pupillus intra annum & diem post completum annum xiiij. per vendicationem illam repetere: Alioqui illis elapsis, opus esset petere restitutionem in integrum, de qua nihil omnino habetur in iure Saxonico, sed illius loco utendum est iure communi.

Contra tutorem vel suspectum, vel male administrationis reum, actionem intendere potest, mater, avia, amita pupilli, vel alia quælibet mulier, quæ ex bona fide id factura videatur. Specu: Saxon: lib. i. art. 41.

Tutores sæpè numero auctoritate iudicis dantur mulieribus ad actiones prosequendas, sed cessante iudicio, illorumq; tutela perire solet. Sp: Sa. lib: i. art. 46.

Hoc in loco non possum non vehementer damnare morem nostrorum Iudiciorum, in quibus, mulieres maritis carentes aut puellæ adultæ, alienandis bonis immobilibus citra delectum sibi asciscunt tutorem quempiam ex triuitio aut ganeis, hominem externum, ignotum, & nullo cognitionis vinculo ipsi coniunctum, qui fictitio illo tutorio nomine vendentis & alienantis verba proloquitur, quod hic intercedant doli? quod præstigiæ? quod captionum reticula mulierum fragilitati intendatur, quotidiana exempla declarant: & tamen hæc rata habentur propter vsu receptam consuetudinem, quæ hominum oculis tenebras offundit. Quanto rectius & prudentius constitutum est in iure ordinis equestris, quod terrestre vocant, ut mulier fundum alienatura, cogatur sibi adiungere amicum propinquum ex linea paterna aut materna, cuius auctoritate, & consilio omnia gerantur. alioqui irrita est omnis alienatio. Hæc domestica prope modum exempla deberent nos ad rectiora consilia sectanda, imitandaq; protrahere, neq; enim ab re esse videretur, ut in venditionibus, obligationibus, & aliis grauioribus causis

fœmina-

### *Emptio venditio.*

fœminarum lateribus semper adessent consanguinei, aut amici graues quorum consiliis illæ sustentarentur. Sed nescio qui sit, vt difficillime relinquantur, quæ vsu sunt inueterata.

Sine marito, vt potè legitimo tutore, conueniri qui dem vxor non potest, sed ad illum sistendum, si forte peregre abiit, xiiij. dierum spatiū conceditur. Sp: Sa: li: i. ar: 46.

Contra suspectos tutores, institutæ actiones nullam dilationem patiuntur.

Reliqua de tutelis cognitu necessaria, quorum immensum est pelagus, infiniti esset laboris in hoc Epitome redigere: Quare satius est, vt lectores hæc & alia ex limpidiſſimis fontibus quam è turbidis lacunis petant.

### *Emptio, Venditio.*

**V**enditionem bonorum nulla neq; traditione, neq; præscriptione confirmatam, hæredes venditoris non tenentur ratam habere, cò, quòd illi restitutis pecuniis, extraneo, vt antea quoq; dictum, præferuntur emptori. Sp: Sa: li: i. ar: 9.

Venditor regulariter de euictione tenetur, non solum quod res à vero domino sit empta, sed etiam de vicis latentibus rei venditæ. Si vero in rem venditam & traditam committatur iniuria aut violentia, quia nihil interest venditoris, non tenetur de euictione. Iure Municip: art: 99. Speculo Saxonum libro 3. articulo 4.

Euincere per vocem Saxonicam quasi latinitate donatam vocant Varandare, & euictor Varandator.

Euictiones cessant in actionibus rerum venditarum, quæ à traditione, per interuenientem præscriptionem robur firmitatis obtinuerunt. Spec: Sax: lib: i artic. 9.

Rem venditam tenetur venditor euincere, contra præsentem, anno & die. Contra absentes 31. annū & sex septimanas. Sed quoniam de præscriptionibus sunt diuersæ Iuris

### *Emptio venditio.*

consultorum sententiæ ex quibus etiam nata est varietas de constitutis temporibus euincendi. Otto itaque Imperator, vt habet glosa Spe: Sax: lib. 3 art: 83. diluere volens eam ambiguitatem censuit, venditores fundi & bonorum immobilium teneri emptores euincere. quoad illi vixerint, subiungens hanc causam; quod fundus, sine consensu hæredum, non possit alienari, secundum artic: 52. lib: 1. Spe: Sax.

Hæc tamen argumenta plerisque videntur esse frigida & neruis carentia; eo quod memoratus articulus 52. est per se dem Apostolicam reprobatus.

Ad emptorem post traditam sibi mercē pertinet omne periculum rei venditæ. Idem sentiendum de fundi emptoribus, qui vt primum emptori, per resignationem, vt forensi vocabulo viar, traditus fuerit, eodem temporis momento omnes casus fortuiti in emptorem recidunt. Iure Municip: artic: 140. L. Cum C. de con. & peri rei ven.

Traditionis varij sunt modi, vt si mihi dederis clauces cellæ vinariæ, aut horrei, videtur mihi data possessio vini & frumenti, quod in illis continetur. Pari modo si negociator mercibus emptis signum suum adiecerit, veram nanciscitur possessionem & traditionem. Spec: Sax: lib: 2. art: 44.

Si vëditione peracta & traditione non subsequuta, quæ est fundamentum venditionis casu fortuito res vendita perierit, ad venditorem pertinere censetur vniuersum periculū. Emptori nihilominus datam quoque arram, perdere cogitur. L. Cum C. de pericu. & commodo rei ven.

Imaginaria & vmbrailis est venditio precio non accedente, sine quo, nulla emptio esse potest. Iusti de emp. & vë.

### *Bona immobilia.*

**F**Vndum immobilem interpretes glosæ Germanicæ subinde per nadam vocem adiectiuā appellat proprium, quasi  
rerum



### *Bona immobilia.*

rerum proprietas duntaxat in fundo consistat, & non item in cæteris mobilibus, sed sequutus est in hac parte vocem Germanicam *Eigen*, quam aptius vertisset proprietatem, quam proprium.

Veteres illi Saxones, qui nobiles hæc iurium fragmenta reliquerunt, nihil æque maiore studio prospiciebant, quàm ut iura naturalis successionis facta testataque permanerent (ut proverbio dicitur) æditiis etiamnum constitutionibus, caventes, ne bona immobilia vel per testamenti factionem, vel aliis obliquis modis à veris hæredibus alienarentur. Hinc illud est, vulgo etiam factatum: Neminem posse in lecto ægritudinis plus tribus solidis cuiquam conferre. Inde etiam natæ sunt illæ iurium solennitates quæ faciendis resignationibus adhibentur, ut pote qua ætate, quibus viribus alienator esse debeat. Et enim à viro equestris ordinis requiritur iusta corpore ut vlaceat, quo possit gladio præcinctus, & clipeum collo gestans, è trunco seu lapide à terrâ cubitum vnum extante suis ipse viribus, nemine adiuuante, equum cōcedere, qui tamen illi est una cum strepa, ut vocant tenendus. A ciue vero expotetur tanta corporis firmitas, ut nulla aliena ope adiutus, ipse queat sese iudicio sistere. Quin & coloni ac rusticanæ mulieres tenentur virium suarum robur depromere: quemadmodum hæc & alia copiosius tractat glossa lare Muncie: artic: 20. Huc addendum est, quod ex iuris præscripto & recepto more, eiusmodi fundorum resignationes, per interuenientem traditionem, haud quaquam fieri possunt, nisi in legitimis & ordinariis iudiciis, quæ nescio cur in foro nostro vocentur bannita exposita, errore tracto ex malè versâ voce Germanica, cuius sensus potius erat explicandus, quam verbum verbo frigide reddendum. Quæ omnia supra commemorata, eo tenent, ut obliquæ & fraudulentæ bonorum alienationes, à iudicum tribunalibus, rocul eliminarentur.

### *Bona immobilia.*

Poro, quod bona immobilia non nisi in ordinariis, quæ exposita vocantur, iudiciis valeant alienari, probabilem sane causam habet, sed rursus hoc est manifestæ iniquitatis, & sine ullo iuris fundamento introductum, quod lites & controuersiæ de fundis & bonis immobilibus simili ratione, duntaxat in eisdem ordinariis iudiciis deciduntur, ita sit, ut violenti possessores hoc præsidio freri, possint litem multis seculis proferre, & planè immortalem efficere, quod nihil est neque iniustius, neq; detestabilius. Nam iuris dicendi fundatio; quæ immortalis Dei vicem repræsentat, omnibus omni tempore debet esse aperta & obuia, neq; omninò quidquam refert, quo in iudicio, sed qua æquitate lites finiantur, faceret ea res mirum in modum ad conciliandam inter Ciues concordiam, quæ animis exulceratis, & licium euentu sub ludicibus pendente, nequit cōsistere. Alioqui si interea temporis, ut sunt res humanæ multis periculis obnoxia, vel ædium ruinæ; vel alii fortuiti casus interuenirent, quis posset istam inutilem & diuturnam moram æquo animo ferre.

In articulo 52. lib: 1. Spec. Sax. prohibetur fundi alienatio, sine consensu hæredum. Rursus artic: 29 Iure Mun: permittit eius fundi alienationem, quem quis proprio ære cōparauerit. Præterea glosa art: 52. lib: 1. Spec: Sax: (quæ in Cracouiens: exemplari est prætermissa) hanc facit bonorum immobilium distinctionem. Sciendum, inquit, duplicia esse bona immobilia, ex quorum numero quædam sunt prouenientia, ex successione linear descendens & ascendens, atque illa citra necessitatem cogentē, & hæredum assensum, non posse alienari. Quædam vero proueniunt ex successione collateralī, & illa etiam dissentiētibz hæredibus posse alienari, explorati iuris est. Per hæredes autē, intellige suos hæredes, in linea descendēti aut ascendēti consistētes; ergo sine cōsensu fratris valet alienatio. Postremo imperator Fridericus

*Bona immobilia.*

de Stoffen apud iuris feudalis Saxonici in glossa art. 55. post longam disputationem concludit bona immobilia, etiam ex successione conquesta posse, irrequisitis hæredibus impignorari, in cautionem locari &c. Ista legum duricies, licet quodam modo à quotidiano usu iam recesserit, sitq; maxime propter Eleemosinas à Concilio Basilien. reprobata, tamen grauissimos sæpè dubitationum scrupulos consuevit in animis hominum relinquere. Cæterum in LL. Imperialibus variæ sunt opiniones, de parentibus ad morientium puerorum successionem vocatis, quarum pleræq; illis plenum proprietatis ius indulgent. Nonnullæ eis duntaxat vñ fructu relinquunt, præsertim si ad secundas nuptias conuolauerint. Ego autem tota causa in vtramq; partem diligenter examinata, ex iuris nostri obseruatione, simplicissime cenfeo, liberam omnibus esse debere facultatem alienandi bona, vel per successionem conquesta. Id nisi liceret, nulla esse posset vera successio hæreditaria, sed duntaxat nudus ille usus fructus ad successores dimanaret, quo quid possit esse inhumanius, & à iure communi alienius? Excluderentur à puerorum suorum successione piissimi parentes, ad quos præter nudum vñ usfructum, rediret nihil: quum tamen illis satis nõ sit, in educandis liberis innumeras curas & molestias subire, sed etiam omnium quæ possident, bonorum successionem, nulla ususfructu condicione astrictam, sed ab omni parte liberam ad pueros transmittere. Cur ergo non eadem ratione liberorum bona adeant parentes, quibus, nulla satis digna gratia referri queat? imo quum æquabilitas sit affinis Iustitiæ, cur durior esse debeat progenitorum succedentium conditio quam liberorum? Hæc expendant Iudices & æquitatem, quæ legum est amica, pro virili sua tueantur. Bona immobilia vxoris non potest, illa dissentiente maritus distrahere. Constante autem matrimonio, adque adeo pro-



### *De conducto & locato.*

pter eius onera palam est illorum vsusfructum ad maritum pertinere.

### *De conducto & Locato.*

**C**irca locationes & conductiones, maximè fides contractus seruanda est. L. Circa. ff. de locati, & con.

Locatio & conductio habent quandam affinitatem cum emptione & venditione, nisi quod hæc perpetuitatem spectant, illa verò certo tempore astringuntur. Libro 2. art. 59. Spec: Saxo. in glosa.

Glosa art. 59. lib. 2. Spe. Sax. astruit homines equestris ordinis non debere esse conductores bonorum, ne dum dominum fundi pro hero agnoscunt, suam interim perdat dignitatem.

Locationem potest rescindere dominus, si ipsemet vel ad inhabitandum bonis indigeat, vel ea reficere velit, tum etiam si conductor pensionem soluere detrectet, bonorum conditionem deteriore reddiderit, aut inhoneste vixerit. Lib: 2. art: 59.

Locationis pacta à parentibus constituta, non tenentur illis è vita sublati, hæredes seruare, eò, quòd capiunt quandam temporalem hæredum alienationem & exclusionem, quæ de iure non admittitur. Spe: Sa. Lib: 3. art. 77.

Vniuersa conductoris substantia in fundum domini illata, transit in pignus locatori, ratione census ex conducto numerandi. Lib: 2. art. 59. & L. item quia Conuentiones ff. de pactis.

Inter locatorem & conductorem si de census solutione controuersia emergat, propior est locator iureiurando astruere sibi censum non esse numeratum, quam quòd conductor negando illum possit conuincere. Iure Munic. art 140

Domino fundi. irrequisita etiam iudicis ordinariis au-  
thori-

*Opere Ministrorum, salaria.*

thoritate, licet conductorem suum ob censum non dissolutum pignorare. Iur. Municip. articulo 140.

Qui fundum fruendum vel habitationem alicui locauit, si aliqua ex causa fundum vel aedes vendat, curare debet, ut apud emptorem quoque eadem pactione & colono frui & inquilino habitare liceat, alioqui prohibitus, is aget cum eo ex conducto. L. Si merces ff. de loca. & cond.

*Operæ Ministrorum, salaria.*

**E**X hæreditate, post deductam funeris impensam, ante omnia numeranda sunt ministrorum precia, ne illis retentis vociferentur in cælum, quin etiam à morte heri ad xxx. vsque diem victus illis est subministrandus. Sp: Sa lib: 1. art 22.

Hærede postulante, coguntur ministri tantum temporis seruiendo explere, quantum cum defuncto heri pactos esse constituerit. Eodem libro & articulo.

Vbi inter herum vita functum, & ministrum nullum de salario pactum interuenit, explorati iuris est, famulum apud hæredes gratiam quarere oportere. Eodem lib: & art.

Famulis, si pro vno aut dimidiato anno precium negetur ab hæredibus, probatio per iuramentum ministris aduersus hæredes permittitur. At si agatur pro mercede non vnius sed plurium annorum, probatio solutæ mercedis ab hærede menseptimo requiritur, quod sanè nimis durum videtur. Eodem lib: & art.

Quod si res est inter famulum & herum in viuis existentem, probatio numeratæ mercedis heri mettertio potius cedit, quam ministro. Iur. Munic. art 80. in glosa.

Famulus absq; legitima causa ab heri fugiens, tenetur ad solutionem eius precii, de quo inter eos conuentum extitit, & si quid antea illi numeratum fuerit, in duplo reddet. Extant tamen duæ causæ perscriptæ in textu lib: 2. art. 26.

propter

*Annorum ratio.*

propter quas liceat famulo herum suum relinquere, ut potè si vel matrimonium contraxerit, vel si ei pupillorum tutela incumbat. Et sanè istæ causæ sunt probabiles, & magna ratione introductæ. Nam prior illi tuetur dignitatem matrimonii, quod apud omnes nationes semper fuit sacrosanctum. Altera pertinet ad conservandum Reipub. statum, cuius maximè inter est, ne pupilli destituantur tutorum præsidio.

Dominus de facto serui tanti tenetur, quanti eius merces sese extenderit, nisi forte illud mandaverit, aut ratum habuerit. Iure Municip. articulo 80.

Cæterum dominus tenetur de facto eius famuli, quem rebus gerendis & negotiationibus exercendis, dato mandato, præposuit. Et eius generis ministri proprie institores vocantur. Nam qui cum seruo contrahit, fidem domini sequi videtur. Si igitur, Insti. Qui cum eo, Sed omnium maximè Heri tenentur, si ex rebus emptis ac venditis aliquid emolumenti ad eos redierit, & in rem eorum versum esse constiterit.

*Annorum ratio.*

**A**nni discretionis ex præscripto L.L. Imperialium computantur annis ætatis 25. & secundum Iura Saxonica anno 21. Anni pubertatis complentur anno 13.

Interpres glossæ Germanicæ art. 23. lib. 1. recensens ætatum discrimina, commemorat pueros egressos annum 18. posse proprium alienare, hoc est, ut ille intelligit, bona immobilia. Sed hallucinatus est bonus ille vir. Nam ea glossa Germanica, nihil omnino meminit bonorum aut fundorum, sed innuit, pueros eius ætatis posse alienare, proprios homines & mancipia, quod etiam clarius liquet ex allegationibus, confirmandæ huius opinionis causa, ibidem in medium adductis. Insti. Ex quibus cau. Manumitt.

Repro



### *Sequestratio, Arrestatio.*

Reprobantur à plerisq; illæ recens ad nos introductæ  
iurium fitiones & subtilitates, quibus fit, vt Principum au-  
toritate subinde minorennibus adijciantur anni, quos non-  
dum attigerunt. Qua de re potissimum proscinduntur legu-  
lei, quod Imperatorum potestatem latissimè patere volue-  
rint. Notissima enim sunt illa, quod principi placet, legis  
habet vigorem & alia eius generis non pauca: Quemadmo-  
dum, vt nunc sunt omnia calumniantium moribus obno-  
xia, à nostri quoq; seculi Theologis laceffantur Canonistæ,  
quod Romano Pontifici summum imperium, tam in cœlis,  
& in terris, quam etiã apud inferos & Plutonis Regna, tribu-  
erint. Sed non desunt vtriusque Iuris professoribus suæ de-  
fensiones, de quibus nihil attinet hic dicere. Hoc duntaxat  
præterire nolui, quæ à clarissimis Imperatoribus de hoc ca-  
su in iure Ciuili sancita sunt, summam complecti æquitatem.  
Etenim in L. omnes C. de his qui æta ve. imp. præscriptum  
est. Adolescentes tum posse ætatis veniam impetrare, post-  
eaquam viceßimi anni metas impleuerint, & in L. sequenti  
prohibetur; quo minus hoc beneficio freti, alienationem  
aut hypotecam rerum immobilium faciant. Equidem si ad  
hunc finem, ex legitima cognitione, non infantibus, neq;  
bonorum alienatoribus. ætatis venia indulgeatur, non vi-  
deo quid detrimenti minorennibus sit accessurum, sed non  
libet altius hanc quæstionem ingredi: non enim meum est  
de Principum placitis quidquam diserere, sed illa potius re-  
uerenter suspicere.

### *Sequestratio Arrestatio.*

**S**equestratio & Arrestatio nomine tantum differunt, illa à  
Latinis autoribus est vsurpara: Hæc vero barbarico se-  
culo nata esse videtur.

Est autem Sequestratio seu Arrestatio, interdictum Iu-

### *Sequestratio, Arrestatio.*

dicis competentis, ne res litigiosa vel loco moueatur, vel de ea quidquam statuatur ad lius vsque decissionem.

Exiat L. vnica C. de prohibita Sequestratione, cò, quod non à sequestrando, sed conueniendo debitore lis est aucipienda.

Inuentum est tamen extraordinarium hoc iuris remedium, quo vt licet non solum aduersus profugos debitores, sed etiam in res eorum, si quo in loco comperta fuerint.

Porro in prosequendis arrestorum actionibus, multa à iuris fundamento procul remota passim fieri videmus. Nam in primis hoc absurdum est, quod allegatur arrestationibus vim euanescere, nisi singulis iudiciis per terminorum astitionem continuetur. Vnde quæso nata est hæc lex? quo authore promulgata? quum (excepta arrestatione æqui) nihil ferre aut admodum parum in voluminibus Iuris Mardeburgen. de isto arrestationum genere sit præscriptum. Oportet, inquit, astare primum secundum & alia iudicia, nisi robur arrestationis perire vellis. Inepto processui inuenta sunt inepta vocabula, quid enim significat ad stare iudicia? Multo autem æquius est, & ad tuendam Iudicis ordinarii auctoritatem cum primis utile, vt arrestationes, quæ adhibitis preconibus, legitimo iuris ordine fiunt, debitæ firmitatis robur tantisper obtineant, prout merito obtinere debent, donec post litem decitam, rursus edicto Iudicis relaxentur (quemadmodum cum sequestrationibus apud aliorum iudicum tribunaia obseruatur) Quam ad rem, nihil opus esse iudicamus ista terminorum, quam vocant astitione. Interim tamen liberum est, prout esse debet, tamen creditori arrestanti, seruari per citationem legitimo iuris ordine, agere vel in personam, vel res arresto subiectas quam etiam debitori, quandoque volet, res suas ab arresti vinculis relaxare. Quibus omnibus rite peragendis, nihil omnino obstat, etiam si

nullæ

### *Sequestratio, Arrestatio.*

nullæ interueniant astitiones, quæ nullum omnino fructum, multum autem dispendij litigantibus immodico sumptu exhaustis, consueuerunt adferre. Hoc loco haud probabilis iudiciorum obseruatio seu corruptela potius, minime etiam est silentio prætereunda. Nam arrestatores, ubi astiterint (vtendum est enim istius fori, etiamsi barbaris vocibus) primū & secundum iudicia, tum is cuius bona arrestis sunt impedita, per citationem vocatur ad tertium iudicium, seu pro admittendo tertio iudicio, ista enim loquendi formula vtuntur quam neque Seruius Sulpicius, Papinianus, neque Ulpianus, neq; alij quantumuis doctissimi Iure consulti, si uiderent, essent intellectui: adeo, absurdis uocabulis & obseruationibus referta sunt Iudicum subsellia. Ego ipse, vt mei ingenij simplicitatem prodam, nulla coniectura satis assequi possum, quid hoc sit tertium iudicium admittere, nisi forte annuere, vt arrestanti tanquam ex tertia contumacia permittatur earum rerum possessio, quas quis arresto duxerit subiiciendas. Porro citatus, si sese non sistit, mox condemnatur in eisdem rebus, quæ erant arresto implicatæ. Quis quæ non detestetur istum immaturum & præproreum iudiciorum progressum, per quem in primo citationis termino rei condemnantur, quod ex præscripto Iuris Maideburgen. nisi tribus citationibus præcedentibus fieri non potest. Attingunt, non primum sed tertium esse eo loco terminum, & duos asticionum terminos præcessisse. Sed memineris bone vir, ad primos illos duos terminos, non vocatum esse debitorem, atq; omnia, quæ, eo absente & nullum terminum habente, gestantur, pro infectis haberi, illumq; nulla ex parte neq; obligare, neq; obstringere posse. Etenim Iura nostra non permittunt, vt quod alias fieri solet, vno edicto utamur pro pluribus: Vtinam hi errores, ab his quorum interest, aliquando emendentur. Nam memoria teneo, per talem ini



### *Sentencia.*

quum processum, haud contemnendas facultates bonis viris creptas esse. Sequantur qui volent, per vulgi stulticiam introductas consuetudines, iuri communi plane ex diametro repugnantes. Ego ex clarissimis iurium fundamentis, dico & assero, neminem ex vna contumacia posse condemnari, nisi præmissis tribus citationibus, si reus suam inobedientiam, legitimo impedimento non purgauerit. Nam ex iuris necessitate requiritur eam inobedientiam esse oportere luce meridiana clariorem, propter quam, quis litis damno dispendioq; sit plectendus. Aduersus profugos debitores, eadem etiam seruanda est iuris ratio, si forte illorum bona arrestationum vinculis innecterentur. Et licet sui conueniendi copiam non exhibeant, nihilominus tribus edictis, publice in tribus populosioribus Ciuitatibus, in quibus celebriora sunt emporia, affixis, ter sunt citandi alioqui reus, neq; personali, neq; reali actione condemnari poterit. Porro de ista iudiciorum astitutione tanquam re maximè necessaria, Cracouienses habent peculiaria sua plebiscita, quibus per me nihil neque detractum, neque derogatum esse volo.

### *Sententia.*

**S**ententia à Iudice ieiuno & sedente pronuntianda est. Sp. Saxo: lib: 2: art: 12 & lib: 3: articulo 69.

Sententia suas mox vires acquirit, quæ per appellationem in instanti, secundum obseruationem Iuris Maideburgen. non suspenditur. Quanquam ex beneficio Legum, licet in decem diebus à prolatione sententiæ appellationem interponere. Specu: Saxo: lib: 2: art: 6.

Rescindendæ sententiæ multæ sunt causæ, vt potè si nō à competenti Iudice sit lata, si non sit conformis libello, si non contineat vel condemnationem, vel absolutionem. Denique si absentibus partibus, ad iudiciūq; non vocatis,

& sine

### *Sententia.*

& sine certa quantitate, si in feriis, & non in loco iudiciorū consueto fuerit pronuntiata. L. præses. C. de sen. & interlocu. & L. Si feriatis ff. de feriis.

Sententiæ legitimo iuris ordine prolatae, etiam Principum rescriptis non possunt rescindi. L. Rescrip. C. de precib. Imperato. & §. Omnis, Autem. de Iudicib.

Sententiæ arbitrorum ritè delectorum, appellationem non recipiunt. Sibi ipsi enim imputet, qui alicuius Iudicis Decreto standum esse putauerit. Sp. Sa. lib: 1. art. 55.

Authores & Iudices quantumvis iniustæ sententiæ, si modo eam pro ingenio & conscientia sua pronuntiarint, nihil detrimenti inde capiunt, nisi dolus intercesserit. Sp. Sax. libro 2. articulo 12.

Neque ad omnes litigantium quæstiones sententiam ferre conuenit, neq; secunda sententia est ferenda, nisi prior sortita fuerit legitimum executionis effectum, Spec: Sax. libro 2. articulo 18.

Sententia ex scripto pronuntianda est, vt Lib: 2. 3. C. de sen. ex bre. recitañ.

Disceptatum est sapius, huc atq; illuc nutantibus diuersis hominum sententiis, an Iudex secundum suam ipsius noticiam, an secundum litigatorum allegationes probationesq; debeat decernere nec ne? Et quamuis pleriq; sentiant Iudicem propriam noticiam & scientiam potius, quam aliorum fortassis vanam, & dubiam assertionem sequi oportere, ne videatur exemplum Pilati imitari, qui sciens prudensq; falso iudicauit, testante scriptura sacra: Sciebat enim quia Iudæi propter inuidiam Dominum Iesum tradidissent, Sed tamen probabilior est fortassis aliorum opinio, multarum academiarum calculis approbata, quæ censet, Iudicem potissimum in iudicando spectare debere partium allegationes probationesq;. Nam Iudex tum suscipit personam publicam, cui de

### *Proscriptio homicidarum.*

privatis causis non competit quidquam scire, quam quod probationibus fuerit demonstratum, imo fieri possit, ut ludeo toto cælo erraret, credens sibi rem maximè perspectam esse atque ita pernicioso ludicis errore, multum damni litigantibus esset accessurum. Potest tamen cordatus Iudex atque æquitatis studiosus explorandæ veritatis gratia diem diffundere, & negotij cognitionē in aliud tempus, si aliquis eius generis dubitationum scrupulus inciderit reiicere, præsertim si de capite hominis agitur, pro quo mortuus est Christus.

### *Proscriptio homicidarum.*

**Q**uemadmodum in multis aliis casibus ita etiam in persequenda proscriptione homicidarum multa coniectura do perperam inuexit, quæ ab omni Iuris ordine sunt aliena: Hinc est, quod in hominum memoria nulla vnquam proscriptio debitum effectum consequuta fuisse videtur, neque de aliquo homicida proscriptionum terribili fulmine condemnato vnquam sumptum est supplicium. Neque satis scio, in quem usum soleat exerceri, nisi forte ad simplices & rudes homines inani metu terrefaciendos. Nam quum in actionibus civilibus ad condemnandum ex contumacia reum, res citationes requirantur, quibus accedit adhuc quartus citationis terminus demonstrandi legitimi impedimenti causa reservatus. Quis non merito abolendum existimet vulgatum Iudiciorum morem, quo ad nudam vociferationem præconis contra absentem reum æditam exhibito duntaxat caduere occisi hominis, plerumque innoxii, criminaliter prosciuntur? Quam ego sane proscriptionem, non solum inquam, sed etiam prorsus viribus carentem esse iudico propterea quod in ter citando reo, solennia Iuris prætermittenda esse videntur. Textus est clariss. Spec: Sax: lib: 1 art. 67. Qui tribus, inquit, edictis citatus non comparuerit, proscibe-

tur, pro



*Proscripto homicidarum.*

tur, pro nulla tamen alia causa, nisi quæ mortem vel membri amissionem inferat, proscribi poterit, &c. Quin etiam glosa lib. 3. a. t. 17. in pro cribendo requirit citationem: Quæ omnia confirmantur quoq; per textum lib. 2. art. 4. in quo à proscriptionum vinculis sese liberaturo, ea lex imponitur, vt cogatur fidei iutores dare de sistendo & purgando sese in tribus iudiciis, eo quod eisdem rationibus quidq; dissolvitur, quibus est colligatum: Inde consequitur inanem esse proscriptionem ex vno duntaxat, imo nullo termino profectam ac descendentem. Hinc est, vt externa quoque exempla adiciam. Quod in Conventu Imperiali Vormaciens. Anno MDXXI. haud improba ratione per Carolum V. Rom. Imp. constitutum est, sine legitimis citationibus nullam omnino proripuonem valere. Cæterum si reus profugus sit, aut deliteat, quo minus vel citari, vel contra eum iure agi possit, tamen sine citationibus seu publicis edictis nihil est neque tentandum neque de hominis vita quidquam temere statuendum aut pronuntiandum, adeò vt ex sententia peritissimorum: quorumq; iure consultorum, qui hæc literarum monumentis prodiderunt, ter citandi sunt rei, semper intervallo xiiij. dierum termino assignato, quarta deniq; citatio addenda est legitimi impedimenti causa. Quod si, vt commemoratum est, reus absens in ius vocari non possit, tamen quælibet citatio ad ædes illius, si quas eo in loco, vel proprias, vel ex conducto obtinet, est mittenda, & alia eiusdem verboris citatio seu edictum porius, locis publicis, vt pote templis celebrioribus, vel Iudicum tribunalibus est affigenda. Quæ singula, si hoc ordine rite gerantur, non erit via prætexendæ ignorantie, maximè si ex probationibus constiterit noxium illum hominem, die ipso perpetrati facinoris, eo in loco fuisse. Quin etiam si forte profugus in aliena ditione agat, nihilofecius pro iuris subsidio ad eius loci iudicem mittenda est

*Proscriptio homicidarum.*

tenda est citatio, per quam reus in ius competens, ubi cædes commissæ, ad eum quem dixi modum, vocetur. Si quidem in illo condemnando, sibi quispiam iure agendum putauerit. Sunt qui scribant hunc errorem, de reo non citato, proscribendo, dimanasse ex male intellecto textu. *Spe: Sax: lib: 1. art: 66.* qui indicat in recenti crimine, (quod manuele factum vocant) comprehensum, ut iudicio præsentatum, septem virorū testimonio, conuincendum esse quemadmodum proscriptus superatur, &c. Si itaq; in recenti facto comprehensum, nihilominus ex iuris necessitate conuinci oportet. Quid censendum est de absentibus, & in ius haud vocatis? Neq; enim satis est cæsi hominis cadaver iudicio exhibere, sed in causis criminalibus requiruntur probationes luce clariores. *Spec: Sax: lib: 1. artic: 63.*

Prætera ut est in *L. Diui: ff. de requirē: re: inaudita causa* quenquam damnari æquitatis ratio non patitur.

At forte Rabula quispiam, & linguam, & animam habens venalem ogganniet, tam Iudicem, quam actorem, si ne ratione huius citationum difficultatibus grauari, quin potius mordicus, retinendas esse longo tempore obseruatas fori consuetudines, id etsi ne ego quidem inficias eo, tamen illas duntaxat consuetudines amplectendas esse censeo, quæ Iuri scripto non repugnant. Alioqui si nudæ consuetudines Iudicem oculis animisq; tanquam scopus proponerentur, frustra videri multo sudore leges à maioribus conditas esse. Et ut summæ iniquitatis est homicidia ultore gladio, quatenus iura permittunt, non persequi vindicareq;, ita rursus manifestæ crudelitatis est, ex Ineptis Iudiciorum formulis, & frigidis obseruationibus innocentem capitis condemnare.

Quæ autem sit vis & energia proscriptionis, breuibus hic ex Saxoniorum Iuris consultorum commentariis commemorabitur.

Est au.

### *Proscriptio homicidarum.*

Est autem de obseruatione Iuris Saxonici proscriptio, poena & castigatio, quædam temporalia, non ab similis fere tum excommunicationi Ecclesiasticæ, tum etiam illis annotationibus, de quibus habetur in titu. ff. & C. de requirendis reis. Licet tamen proscriptorum hæredibus, bona per successionem ad se deriuata, ab eisdem iurium vinculis libera reddere ad eum modum qui est expressus. S. S. li. 1. ar. 38. in gl.

Et primo quidem anno ex proscriptione inferioris Iudicis, redditur quisque suspectus, & grauatur eius æstimatio apud bonos viros, non tamen est infamis L. ff. C. de require. Secundo vero anno vocatur proscriptio maior siue Regalis, in qua quisque per annum & diem, ut ad normam Iuris Saxonici loquar, id est, vnius anni & sex hebdomadarum curriculo perseverauerit, honoris, vitæ, & bonorum condemnatur, ita nimirum, quod redditur infamis & iure priuatur, omniaque eius bona ad Regiam deuoluuntur potestatem, denique feudalia bona, domino vacant. Spe. Sa. lib. 1. ar. 38. 71. Nisi fortè ex indulgentia atque authoritate suorum Principum, proscripti suis iurium prærogatiuis restituerentur, ut in L. 2. ff. de sen. pass. & restit. & in glo. lib. 3. art. 17.

Porro propter publicam quietem introductum est, quod Regali proscriptione damnati, extra omnem iuris protectionem positi esse censentur, & proinde neque hospitio accipiendi, neque ad mensæ communionem sunt admittendi imo omnibus liberum est eorum capitibus violenter manus iniicere, siquidem in proscriptione deprehensi & de delicto fuerint conuicti.

Quin etiam obseruandum, quod in Regali proscriptione longius quam par est, perdurantes admittuntur quidem, ut per legitimam purgationem sese à diris proscriptionum sententiis liberare queant, immunes quidem à vitæ periculo, famam tamen bonam & facultates propter contemptum Regiæ proscriptionis, censentur perdidisse. Atque ita sane in-



### *De appellationibus.*

telligendus est, articulo 38. libro 1. Speculo Saxonum.

Proscriptis non licet contra quempiam iure agere, relicta tamen facultate omnibus, quibus visum est, illis litem intendendi.

Quicumque secum ipse constituerit à proscriptionibus sese exuere à Iudice postuler veniendi secumatem, quæ illi minime est deneganda. *Spe: Sax: lib: 2. art: 4. in glosa.*

A proscriptione, in quam quis non citatus, intrusus fuerit, potest se eadem ratione non vocato actore, liberum reddere: secus est de illis, qui ex iustis terminis propter contumaciam sunt condemnati. *Lib: 2. art: 4. in fine glosæ.*

### *De Appellationibus.*

**A**ppellationis remedium non solum utile, sed modis omnibus necessarium est, litigatoribus Iudicium sententia se grauatos esse existimantibus: Corrigit enim iudicantium, tum imperitiam, tum iniquitatem. Ex præscripto Legû Imperialium, liberum est à prolatione sententiæ intra decem dies appellare. *Ar iure Maidenburgen. cautum est appellationem in instanti fieri oportere. Spec: Saxon. lib: 2. artic: 6.* Quæ quidem temporis breuitas, quam ratione introducta sit, haud satis intelligo: Quis enim ita sibi ipsi semper constet, ut sine deliberatione, in consultis amicis & Leguleis, tam repente in animo suo secum statuere possit, appellandum sit, an quiescendum? quum inueniantur periti; adeo stupidi, ut auditæ sententiæ vix verba ipsa satis capiant. Porro an à sola definitiua, & non interlocutoria sententia sit appellatio recipienda nec ne, nondum video à Iure consultis satis definitum esse. Sunt qui dicunt appellationi etiam locum esse ab interlocutoriis: quæ habeant vim definitiuarum: Quod si apud priorem Iudicem, quædam productæ non sint, quæ ad causam ipsam, & veritatis lumen indagandum ma-

### *De apellationibus.*

ximè pertineant, illa licet tam appellatori, quam aduersæ parti apud iudices vltimæ instantiæ proferre. L. per hanc C. de temp: app: & L. Eos qui §. Si quid autem C. de appell: Tempora autem prosequendæ apellationis conceduntur appellanti, & non parti aduersæ. Inde consequitur, appellatum, vt vocant non posse, quando sibi visum est litem persequi. De iure autem communi, anni spacium statuitur prosequendis apellationibus, vt vocatur fatale. Quod si primo anno absoluta non fuerit appellatio, tum autoritate & Decreto Iudicis, additur secundus & tertius annus, siquidem interuenerint legitima aliqua impedimenta ægrotationis, captiuitatis, aut aliarum rerum quæ in classẽ legitimorum impedimentorum contrahi solent. Sed apud nos sunt alia, conficiendarum apellationum distincta fatalia, vt pote sex hebdomadarum, si ad S. Regiam Maiestatem in Regno agẽtem prouocetur, & decem octo hebdomadarum, si tempore interpositæ apellationis extra Regnum degat. Apud ubellia verò Commissariorum, sex Cuitatum fa alia prosequendæ apellationis, ad quamlibet illarum sessionem adstringuntur. Atq; vtinam huic vltimæ instantiæ sex Ciuitatũ Iudicio, in quo de Ciuium fortunis agitur, viri in iure probe versati, quiq; omnem ætatem in studio iurisprudentiæ contriuisent, præficerentur. Nam quanta iuris peritia, quanta fides, ac ynceritas desideretur à iudicibus, de summa rerũ decernentibus, vbi nullus alius superest prouocationis gradus, manifestius est quam vt hic commemorare sit necesse. Etenim, quod in nullus contumeliam dictum esse volo, an fabri & lectores, è quorum collegiis nõnulli isti Arcopagita discuntur, qui non leges, sed ferrum & salis glebas per totu vitæ cursũ tractare solẽt, de vsucapionibus, de hypothecis, de pignori iuribus, de cõtractibus, nominatis & innominatis & aliis id genus difficillimis causis ex iure respondere sciunt,

### *De appellationibus.*

video à plerisq; in dubium vocari. Hinc incidit quæstio, an termini prosequendæ appellationis in vltima instantia peremptorii sint, nec ne? Alii censent eos terminos omnino esse peremptorios, qui nisi essent, auctoritatem principū, ad quos prouocatur, labefactari oportere, quippe quorum sententia leuiculis quibuscq; de causis, cum summa illorum indignitate re cinderentur. Alii rursus existimant, nihil prorsus decedere principum dignitati, si legibus iudicetur, quarum ipsi sunt authores & interpretes, & adducunt §. & cum L. cum anteriorib: C. de temp: & repara. app. in hæc verba: Sancimus non in vnum diem fatalem standum esse in posterum, sed siue ante quartum diem fatalis luminis, & ipsum fatalem, siue post quinque dies, ex quo ortus fatalis effluxerit appellator venerit, & litem instituendam curauerit, & eam in cōpetēs iudicium deduxerit, legi videri satisfactum &c. Quod de appellatore hic dictum est, idem de appellato intelligendum. Sed de tota huius quæstionis ratione quid statuendū sit, neq; satis intelligo, neq; ad me pertinet, tamen fortasse tutius fuerit in benigniorem partem inclinare, & non quid ē captionum aut tricarum, sed legitimorum impedimentorū, quorum in vita humana satis multa, præsertim peregre profectis, & in itinere constitutis solent incidere, æquam rationem habere, deniq; paucorum dierum moram ferre potius, quam ad condemnandos reos, festinanter procurrere. Interim tamen nemini domi delitescenti, dolus & fraus patrocinetur, quorum authores, iustis pœnis sunt castigandi.

Hoc loco satis mirari nequeo, quod in hominum memoria auditum non est, aliquam in causis criminalibus, apud nostrates homines appellationem interpositam fuisse iudiciumne iniquitate an reorum stupiditate & oſcitantia, incertum. Nam si fas est in causis ciuilibus, ob vilem pecuniolam prouocare, quanto magis hoc licere debeat, vbi de capitis

periculo



### *De appellationibus.*

periculo agitur. At manifesti iuris est, de quæstionibus & causis capitalibus esse appellationem permittendam, quodq; iudices detentis in custodia reis, suas opiniones & refutatoria transmittere debeant ad eorum scrinia, ad quos pertinet de appellationibus cognoscere §. Super his. L. eos C. de appel. & consult. Et eodem tit. L. Si quis. Sciant igitur cuncti tibi ab iniuriis & suspectis Iudicibus, & in capitali supplicio ac fortunarum dispendio prouocationem esse concessam: Ab hoc autem legis beneficio excluduntur homines palam facinorosi & scelerati, de quibus est textus in L. Obseruare. C. quorum appel. non reci. in hæc verba: ne quis homicidarum, veneficorum, Maleficorum, adulterorum, itemque eorum qui manifestam violentiam commiserunt, argumentis conuictus, testibus superatus, voce etiam propria vicium scelutq; confessus, audiatur appellans &c. Equidem ad salutem hominum tuendam cum primis pertraheret, id quod multi pii homines summis votis exoptant, vt aliquando in meliorem ordinem restituerentur iudiciorum criminalium formæ, quæ hoc tempore adeò sunt corruptæ, vt deplorandum est tam negligenter de hominum capitibus sententias ferri. Admouentur quæstionibus miseri homines nullis omninò gratiis, integritate & prudentia conspicuis, viris præsentibus, è quorum iudicio secundum personarum, criminum, & præsumptionum circumstantias, vel augenda, vel remittenda essent tormenta, soli adhibentur cum carnifice lictores cereuisia madidi: & existis, si Diis placet, quæstionibus nullo iuris ordine peractis, ex confessionibus denique per summum cruciatum extorris, depromitur sententia capitalis. Atque hæc geruntur apud magistratus urbanos, quos ipsos videmus, audiendis iurgiis, & nihili causis, sæpè totam diem tribunalibus insidere, & nemo eorum dignatur accedere, quando hominis corpus discerpitur. Sed fortassis & illud

### *De appellationibus.*

non minoris, & periculosioris est securitatis, quod homines priuati capitalia iudicia exercent, quibus rite peragendis, nō vnus, sed multorum grauissimorum prudentissimorumq; virorum sententias longo & fideli examine collectas, causæ magnitudo expostulat, maximè vbi de vita hominis agitur, hominis inquam, pro quo Deus Pater Cœlestis Filium suum Vnigenitum Christum Iesum Dominum nostrum, crucis ignominiosissimam mortem subire voluit. Quæ enim causa maiore cautione & sinceritate merito tractanda esset, quam in qua Christiani fratris vita in discrimen vocatur? Atq; vti- nam in vniuerso hominum genere non inuenirentur, à quibus canes Mollosi, aut Meliteri plus fiant, quam obscuræ fortis homines. Tales impios affectus gignit ista mundana atq; etnica sapientia, quæ etiam natalium discrimina statuit, quasi verò omnibus in vniuersum non sit, vna eademq; nascendi ac moriendi sære quam miserabilis ratio conditioq;. Ex hoc etiam fonte, promanarunt illæ barbaræ impiæq; leges de æstimatione humanorum corporum sancitæ, quæ etiamnum in hanc vsque diem mordicus retinentur ab his, qui luce Euangelii conuicte, iactitant sese ad veritatis cognitionem peruenisse. Sed e cede mihi lector optime, crede, non longè abest dies ille horrendus, quo summi pariter atq; infimi sistemur ad tribunal Christi, de omnibus exactissimam rationem reddituri. Nullum ibi erit personarum & generis discrimen, ibi oculis nostris obseruabuntur inhumana facta nostra, si forte apud nos maioris precij fuerit bestia, quam homo Christianus. Et haud quaquam scio, an apud horrendum illud tribunal, statutorum aut Iuris Maideburgeni scripta cuiquam sint profutura. Proculdubio misericordissimus ille idemq; iustissimus Iudex, leges suas tuebitur diuinis oraculis nobis proditas, quas an homines traditionibus suis abrogare potuerint, incertum habeo, hoc certum est, Etiam

Prophe-

### *De appellationibus.*

Prophetam vah intonare iniquitatum legum conditoribus. Faxit Deus Opt. Max. vt qui vnum Patrem in cœlis agnoscimus, vnoq; cognationis vinculo per lauacrum regenerationis iuncti sumus, explosis humanæ sapientiæ fumis, Christianam charitatem & fraternitatem amplectemur vniuersi. In hanc digressiunculam vt descenderem, impulerunt me pleaque actorum capitalium iudiciorum exempla, quæ horrecens recordor, per quâ frigide & negligenter habita fuisse.

### *De exequutione sententiarum seu rei iudicatæ.*

**N**emo ambigit rebus rite iudicati standum esse: At ne quicquam feruntur decreta, quæ debitum minime consequuntur exequutionis effectum: Ideo maximè prospiciendum est ne vinligatores & captiosi homines ansam arripiant vim, & auctoritatem sententiarum temere enervandi atq; eludendi. Hisce autem potissimum iurium remediis cogendi sunt rei ad satisfactionem, nempe captis pignoribus, pœna pecuniaria, manu militari, si forte reus violenter & de facto sese opponeret iudici, aut eius apparitoribus, ad exequutionem procedere volentibus.

Ad exequutionem sententiarum, semper vocandi sunt ei, ne eis ademptum videatur beneficium iuris contra illam, si voluerint, excipiendi. Et extant sanè nonnullæ causæ, quæ exequutionem impediunt, vt potè si transactio interuenit, si debitum sit dissolutum: aut si debitor paratus sit, pecuniam numerare potius, quam exequendi rigorem experiri.

Et quemadmodum duplices sunt actiones, personales & reales, ita etiam suas quæq; peculiare habent exequendi formulas observationesq;. Et enim in actione personali pro debito, promissis, aut alia re quapiam conuictum. Iudicis partes erunt cum auctoritate sua cogere, vt as alienum numerans, decreto satisfaciat, qui si forte pecunia carens non



*De executione sententiarum*

sit soluendo, recurrendum est ad eius bona mobilia, quæ creditor addicentur. Re tamen ad culturam agri pertinentes, pignoris causa non sunt à possessionibus abstrahendæ. L. pignori. C. quæ res pig. ob non possunt. Quin etiam ut receptum est, debitorem, prius quam pignoribus sese à credito um nexibus, exuere possit iurandum dare oportere, se auro, argento, & pecuniis carere. Deficientibus autem rebus mobilibus, proximus gradus est ad fundos & res soli, in quarum possessionem creditor iudicis autoritate est mittendus: ut habetur Iure Municipi art. 27. 29. At si neque moventia, neque res soli extent, tunc peruenitur ad iura & nomina debitorum, siquidem liquida & confessa fuerint. Nam illi posse iure pignoris capi manifestum est §. Sic quoque L. A. D. ff. de re. iu. Postremo si debitor nulla omnino, neque moventia aut immoventia pignora, neque certa nomina & debita, aut vadimonia habeat, tum ex obseruatione Iuris Maideburgens. ut habetur Spe. Sax. libro 3. art. 39. Iur. Municipi art. 27. debitor à Iudice in potestatem creditoris tradendus est: Sed hæc consuetudo iam exoleuit, tum quod propter eas alienum liberos creditoribus seruire iura non patiuntur. L. ob eas. C. de act. & obli. tum etiam quod legibus prohibentibus, nemini licet habere priuatos carceres. L. v. de iur. C. de pr. car. in hi. Hinc nostris temporibus oblati seruati in publica custodia tanquàm auicula caueæ inclusi.

At si debitor pignora offerat, illa vel per Iudicem, ut est Iur. Municipi art. 27. vel per idoneos homines ad id delegatos sunt æstimanda præsertim si pignora consistant, in diuersis atque exoticis mercibus, quarum precia vulgo sint incognita. Quod si pignoris valor summam debiti transcendit, quantulumcumque id sit, ad debitorem pertinet. Sin vero uilitas pignoris, debiti quantitatem reuelare nequeat, pro residuo conueniendus est debitor, & ad solutionem præstan-

dam

*seurei indicate.*

dam nouis pignorationibus, aliisq; iurium adminiculis cogendus Spe: Sax: libro 1. art. 70.

Porro tria sunt genera pignorum: Primum est prætorium, in cuius possessionem cautionis loco aut custodiæ causa plerumq; magistratus autoritate mittuntur creditores. L. Non est mirum ff. de pig. act. & L. Si duo §. Creditores. ff. vti possidetis. Sed istius pignoris vsus recelsit ab horum temporum tribunalibus. Secundum pignus est conuentionale quod à debitore volente securitatis causa creditori traditur: secundum L. Contrahitur ff. de pig. Eius pignoris seruandi actuendi causa, non minor quam in re propria fides & diligentia præstanda est. L. Si cum venderet §. Venit ff. de pig. act. De casibus tamen fortuitis non tenetur, vt potè si pignus rite seruatum furto vel incendio periret, damnum redundat in debitorem, vt L. Si creditor & L. Quæ fortuito. C. de pigno. act. Creditor tamen iusiurandum adet, id damni sua culpa non euenisse. Spe: Sax. Lib: 3. art. 5. Pignus ita traditum venundandum est. interueniente consensu debitoris. Quod si ille fraudulento consilio assensum præbere detrectet, implorandum est auxilium Iudicis, cuius autoritate pignus distrahatur, posteaquam ter ea res debitori denunciata fuerit, si forte in animum induxerit illud redimere. Tertium pignus est iudiciæ, in cuius possessionem ex legitimo litis progressu, creditor iudicis decreto mitti solet, de quo habetur in L. A diuo Pio multis §. ff. de re iu. Ex huiusmodi vero pignore, siquidem annuos fructus ferat, vt sunt prædia vineæ, & alia eius generis, quantitas debiti reuelanda est, & fructus percepti in rationem exonerandi debiti merito sunt computandi. Lib: 1. 2. C. de pigno: act. Sed horum temporum corruptissimi mores, & inexhaustum auariciæ studium, eam sinceritatem non admittunt. Nam nullus creditorum nunc sustinet sibi fructus in sortem connumerari, tot in-

### *De executione sententiarum*

tercedunt cautiones, & sordidissimæ conventiones pactio-  
nesq; fieri vt id minime possit. Posteaquam vero ex pigno-  
rum fructibus atq; emolumentis creditori fuerit satisfactum.  
tum ex bona fide pignus ad dominum suum redibit. At si  
pignus nullum omnino fructum, nullaq; emolumenta ferat,  
ex quibus creditori possit satisfieri, eo in ea u pignus est pu-  
blicè distrahendum, & creditori, interueniente cautione, si  
res soli non possideat, tradendum, vt illud rer in locis publi-  
cis, de quindena in quindenam venui exponat, adhibito eti-  
am preconone, cuius ore venditio publicetur. Quæ quidem  
venditio ipsi etiam debitori semper est denuntianda, si forte  
pignus suum velit redimere. Quibus rebus sic gestis, & præ-  
cedente eiusmodi denuntiatione, si debitor redimendi curâ  
abijciat, pignus vendendum est ei qui plus numerauerit:  
Sin vero nullus contingat emptor, Iudex reuolutis sex septi-  
manis, pignus in satisfactionem debiti, creditori tradet, & si  
haud quaquam respondeat, quantitati æris alieni, aliis pi-  
gnorationibus erit repetendum quicquid defecerit. Spec:  
Sax: lib. 1. art. 70. & Iu. Municip. art. 64. Cæterum pigno-  
ribus minimè exantibus, tamen personalis actio non tolli-  
tur L. Aduersus C. de act. & obli.

Et licet rerum iudicatarum summa sit autoritas, à qua-  
rum executione non posse prouocari iure, & constitutioni-  
bus cautum est. Extant tamen aliquot casus, in quibus licet  
ad hoc iuris præsidium recurrere, vt potè si litigatores per iu-  
dicem decreta exequentem, in æstimatione rerum grauen-  
tur. Et si iudex in exequendo limites sententiæ excedat, vt  
L. Ab exequu. C. Quorum ap. non re.

### *De damnis & Interesse.*

**D**amnorum actiones propter probationum difficultatē,  
retroactis annis rarissimæ esse solebant: Est autem pro-

prie di-



prie damnum, bonorum diminutio seu ablatio. Damna ex violenta impressione & bonorum diuersione commissa in anno & die praescribunt, ita, vt si iniuriam passus, intra hoc temporis curriculum violatori litem non intenderit, amplius non auditur, Spe: Sax. lib: 2. art. 31. in glosa. Multum autem discriminis est, inter illationem & quantitatem damni: Nam illa prius demonstranda est, vt certo constet damnum factum esse. Ad cuius quidem facti probationem, non iuramentum, sed testium legitima documenta requiruntur. Caterum quantitas damni de iure communi secundum L. Si quando C. Vnde vi. taxatione à Iudice facta, per iuramentum probatur. Quin etiam in iure nostro statuitur interueniente iure iurando, aestimationi actoris, nisi reus valorem & precium suo vicissim, iuramento minuerit, quod ei facere licet ex singulari Iuris Maideburgen. prerogatiua. Sp. Sa. lib: 3. art. 47. Inter damnorum actiones concurrunt etiam interesse, nō quidem vfura, quemadmodum vulgus eam vocem falso interpretantur. Sed quanti mea intersit hoc vel illud definito tempore factum aut persolutū fuisse, (si quidem aliquid forte ex pacto numerandum, aut faciendum fuerat) Itaque illud damnum, ex rebus infectis proueniens, quae tamen fieri debebant interesse vocatur: vt potē si ad Kalendas Ianuarias ex conuentionum pactis, Centum aurei mihi à Stichō numerandi essent, quos ille ad Kalendas Decembris agrē tandem persoluit, iam mihi tenetur ad interesse. De quo per Italiam & Germaniam inter mercatores frequentissimae lites agitantur. Hic exigitur summa aequitas & prudentia Iudicis, vt litis expensae damna & interesse fideliter taxentur, ne alter ab altero se grauatum iri sentiat, propterea quod eorum omnium difficillima sit probatio.

## *De Litium expensis.*

### *De Litium expensis.*

**G**eneralis est iuris regula, victum victori in expensis litis condemnari oportere, quod ideo fit, vt temere litigantium in effrenis audacia coërceatur: Iudex autem in condemnandis reis ex æquo & bono diligentissimam rationem habeat, si illi à quo impensæ petuntur, iusta agendi causa fuerit nec ne. Et nisi iudex appellationis, qui de principali negotio cognoscit, victum in expensis litis condemnauerit, id quod à parte victrice petendum. postea finita causa, nullam decernendi de his habiturus est potestatem L. Transacto C. de fruct. & li. exp. Duplices autem sunt impensæ litis, quæ apud nos non admodum in vñu habentur, iure tamen peti possunt, vt impensæ contumaciæ, quas nisi actor persoluerit ad litem prosequendam nō admittitur: vt in L. Sancimus. C. de iudi Item impensæ lris impeditæ, quominus ad finem deducta sit L. Non ignoretis. C. de fruct. & li. exp.

Porro in vniuersum omnes expensæ litis, quarum aliqui difficillima est probatio, per iuramentum probantur L. Properandum C. de iudiciis. Iudicis tamen est, prius quam pars iusiurandum ædat, pro sua authoritate & sinceritate, secundum personarum & causarum circumstantias, eiusmodi expensas, ad æquitatis & iustitiæ normam ac trutinam, summa fide examinare moderarique: Quam quidem moderationem petitor impensarum iuramento approbabit, quod in litem minus non insumpserit, & quanti iuratum fuerit, tanti reus condemnabitur. Fateor quidem mei muneris non esse, iam pridem receptas & longo vñu introductas, forenses consuetudines meo calculo vel approbare, vel reicere, neq; sum tam ineptus & stupidus, vt eam prouinciam mihi desumendam esse purem, tamen pro naturæ meæ simplicitate, præterire non possum quin profitear, mihi nimis quam durum & iniquum

### *De vulneribus & multis.*

iniquum videri, quod hac tempestate apud nostros magistratus nullæ aliæ expensæ in litem computantur, quam quæ publicorum actorum monumentis demonstrari possunt. At quantulum quæso illud est, exceptis citationum, inscriptionum annotationum, sententiarum, rescriptorum, & protestationum sumptibus. Nullum ibi verbum de aduocatorum, Iurisconsultorum, & Causidicorum honorariis (quæ in L. sancimus C. de Iudi. inter litium sumptus recensentur) nulla mentio de itinerum impendiis. Cogitur calamitosissimus homo quispiam à nequissimo litigatore seu vitiligatore potius protractus in Lithuaniam vsque sequi. S. Maiestatem Regiam, supremum appellationum Iudicem: cogitur ob inertiam & imperitiam secum trahere causidicum, magno conductum. Quanam obiecto ratione ille in omnibus diuersis ad probationis suæ subsidium, semper ad manum acta publica habeat, quæ nusquam loco moueri consueuerunt? Totiesné ad acta recurrendum, quoties causidicis numerandum, quorum tanta est rapacitas, vt in vna causa maiora sint conducendi, & alendi causidici impendia, quam quæ per omnem litem apud omnium Iudicū subsellia insumuntur. Sed ociosa est ineptiæ & absurditatis à solis actorum monumentis, eo in negotio probationum fidem quærere. Sequamur potius Iuris prudentissimorum consilia, qui in eo casu præcedente Iudicis moderatione, actoris iuramento standum esse voluerunt.

### *De vulneribus & multis.*

**I**N omnibus actionibus criminalibus, quæ petito pretio æstimationis corporum humanorum, ciuilitè instituuntur, de iure, constituta est Iudici multa, & reo satisfactionis pœna, quæ vulgo partim Vergeldi, partim emendæ nomen sortita ex Germanica voce Besseren perperam interpretata,



### *De vulneribus & mulctis.*

in vsum forensem recepta est, inde emendare vocant pro eo quod est reo satisfacere, & emendam recompensationē seu satisfactionem. Et est Regula generalis. In quibuscunq; casibus actori emenda acquiritur, in eisdem etiam reus cogitur Iudici mulctam exolvere, Spe: Sax. lib: 2. articulo 45.

Per actionem civilem (nam capitalium criminum censuram aliis excutiendam relinquimus) reus de homicidio conuictus, ad integri Vergeldi solutionem tenetur. Per Vergeldum autem, vocem barbaram & Saxonice intelligendum est, illud iure constitutum hominis occisi, vel membri truncati læsique precium, in quo definiendo, Iurium conditores secundum diuersitatem status hominum, illius quoq; quantitatem non dubitarunt metiri ac distinguere nimirum, vt plus numeretur pro capite & vulneribus hominis Banniti (ita enim suis loquendi flosculis vocant viros gerendo muneri Scabinali idoneos) minus vero detur colonis, glebæ ac colis & censui obnoxiiis: Quali, pro pudor, non vna eadēq; sit omnibus nascendi & moriendi conditio, aut quasi colorum corpora aliis viliora sint censenda, quum passim videamus omnis generis morbos ex æquo imperium sibi vendicare, tam in Principum Procerumq;, quam plebeciorū corpora, atq; vna propemodum sorte omnia interire & contabescere, variis affectionibus, quarum nondum certum numerum medici inuenire potuerunt. Sed haud liber istas absurditates non solum naturali, sed etiā diuino iuri repugnantes in hoc epitome referre.

Porro integer Vergeldus, vt barbaris interim vocabulis vtamur, constituit decemodo libras, & medius Vergeldus nouem libras, quæ quanti ad comparisonem monetarum nostri seculi sint æstimandæ, nullis certis indicis colligi potest, tamen secundum supputationem huius ætatis, Iuris peritorū integer Vergeldus constituit viginti florenos Rhe-

nen. in

*De vulneribus & multis.*

neñ. in moneta, qui fere æquali valore accedunt ad viginti florenos monete Polonicæ. Egregium sane precium hominis interempti, præsertim apud Christianos.

Vulnorum autem præcia seu emendæ, quoniam in illis magna est diuersitas, diuersis quoq; rationibus sunt constituta. Nam quædam sunt vulnera duellaria, pro quibus emendatur auctori medio Vergeldo, & iudici sexaginta solidis: Ea autem vocantur vulnera duellaria, quæ habent profunditatem vnguis in medio digito manus, longitudinem vero talem, qualem completitur longissimus articulus eiusdem digiti. Præterea inter duellaria computantur etiam ea vulnera, quæ infliguntur in ore, in facie, oculis, naso, auribus, manibus, & pedibus genitalibus, etiam si propter ossa & cartilagines eam, de qua dictum est, profunditatem & longitudinem habere nequeant. Similiter vulnera in capite per cranium, excussio vnius aut vtriusq; oculi, mutilatio nasi, ac in generali omnia vulnera vocantur duellaria, quæ in facie deformitatem ac turpitudinem, & in reliquis membris mutilationem adferunt, siue illa fiant cæsim aut punctim, siue trudendo impellendo, conquassando, aut aliis quibuscunque modis. Per mutilationem autem hic intelligenda etiam est priuatio naturalis, ac consueti vsus oculorum, aurium, oris, nasi, brachiorum, manuum, pedumq;. Eò autem nuncupabantur vulnera duellaria, quod illorum causa olim Saxonibus genuinam ferociam etiamdum redolentibus, duellum admittebatur, quod succedenti seculo est abrogatum, ne videantur à corporeis viribus iustitiæ præsidia mutuari, Spec: 8. lib: 2. art: 16.

Item aliqua sunt vulnera simplicia, quæ cruenta quidē sunt aut huida, neq; tamen sunt præfatæ longitudinis, aut profunditatis, neq; cuiusmodi sunt. Pro cuiusmodi itaq; vulneribus, tum etiam si quis alterum obiecto mendacio contu-

meliosis

### *De vulneribus & multis.*

melioris verbis affecerit, aut ei capillos euulserit, deniq; aliis quibuscunq; modis ad actiones iniuriarum pertinentibus læserit, dantur eo in casu actori emendæ nomine solidi triginta, & iudici solidi octo. libro 2 articulo 16.

Item si manuum aut pedum digitos amputari seu grauius vulnerari, aut dentes excuti contingat, pro quolibet, siue manus, siue pedis digito, pro singulis item dentibus excussis, decima pars integri Vergeldi actori numeranda est, & iudici solidi sexaginta. Lib. 2. art. 16.

Quod si forte vno quispiam casu, multis vulneribus duellariis saucietur, tamen non nisi pro vno vulnere, omnium maximo medius Vergeldus actori præstatur, & iudici sexaginta solidi: Alioqui si quatuor aut quinque vulnera duellaria essent persolucenda, excederunt integrum Vergeldum seu precium hominis perempti.

In membro si quis denuo vulneratus læsusq; fuerit, pro quo constet illum antea emendam accepisse non opus est ei, ullam amplius emendam præstare, Iudex tamen eo in casu multam acquirit.

Mulieres gaudent medio duntaxat Vergeldo virorum, sed iudicibus eam, quam viri poenam succumbunt.

Vulnerantes & lædentes aliquem non casu fortuito, sed dedita opera atq; animo deliberato, non solum ad Vergeldum numerandum, sed etiam ad curationis, medæ nec non damnorum ac negligentiarum inde emergentium, satisfactionem, secundum iudicis æstimationem & moderationem tenebuntur, id quod etiam Dominus in Exo: cap: 21. perscripsit: Vtpotè si egregio cuiuspiam artifice, pictori, aut notario truncata fuerit manus, qua ille suam suorumq; vitam sustentabat, tenetur vulnerans vulnerato, quam diu fuerit in humanis, in singulos annos tantum soluere, quantum ille labore ac industria sua annuatim sibi parare potuisset. Læsus tamen prius e-



### *De vulneribus & multa.*

dito iuramento comprobabit, se tantum annui lucri potuisse conficere. Atq; in hoc casu requiritur magna solertia Iudicum, qui dignam rationem habeant damni permanentis & lucri cessantis. Cum isto iure nostro consentiunt etiam ea, quæ scribit Speculator in ti. de accusatoribus §. 1. Quod si vulneratus recepta pecunia remisit iniuriam, tollitur actio iniuriarum, non autem actio legis Aquiliæ de damno dato, id est, laeso nihilominus liberum est pro damnis litem intendere.

In Cracouien. Scabinali ludicio, magis, ut arbitror, ex recepta consuetudine quam aliquo iuris fundamento, Solidi Saxonici duodecim denariis computantur Polonici. Hinc Maxima multa sexaginta solidorum constituit grossos quadraginta, & minor octo solidorum, grossos quinque, denarios sex.

Hic pius lector ob oculos ponat cæcitatem humani ingenii, quomodo in horrendos errores Deus nos labi permittat, quum antiquatis illius legibus nostras traditiunculas conamur orbi obtrudere. In Exodo & Leuitico Dominus immutabilem legem statuit, ut anima pro anima, dens pro dente, oculus pro oculo exigeretur. Et sane in casibus qui non fortuito, sed dolo ac fraude contingunt, minimum erat difficultatis, dentem pro dente excutere, aut oculum pro oculo erueri, ut haud quaquam opus fuerit novas leges condere à diuinis longo interuallo dissidentes, imo qua fronte, ausa est humana temeritas leges diuinis oraculis proditas, abrogare & sua nobis somnia, nescio maiore ne impietate an stultitia impudenter ingerere. Quæ enim crassior stultitia exogitari potest, qua cæni hominis corpus tanquam ad lanceas & trutinam examinatum, precio addicere, quod nec Papa, nec Imperator, neq; vniuersa vis humana potest vitali auræ restituere, & quum nullum in terris dignum precium inueniatur quod ad hominis perempti aut membri truncati iactu-

### *De vulneribus & multis.*

ram vlla ratione sit conferendum, cur non eo in casu diuina: leges potius quam hominum figmenta, sequenda esse putemus? Equidem si memorata Dei Opt. Max: leges quasi post liminio ad ludicum tribunalia reducerentur, in breui fore confido, vt sublata nimia illa & in efficiendi hominum licentia, minus esset cædium, quam nunc fieri videmus, dum opum affluentia legum impunitati coniuncta, ferocienti populo quiduis audendi, animos attollere videtur.

Iustinianus Imp. sanxit L. Ex qua ff. Si quadrup. paupe. Liberum corpus æstimationem non recipere. Nunc quum propulsata ethnica seruitute, omnes liberi censeamur, tamen inhumanitas barbaricarum constitutionum etiamnum permanet, incertum si quando abroganda, ita enim natura comparatum est, vt quæ inueterata sint ægre patiamur aboleri, Equitum cæsorum corpora, centum viginti marcarum precio censi audiuimus. Et inuenitur caballus mille ducatorum pecunia æstimatus: Quem quæso vel micam sensus communis habentem, ista non offendant belluas quam homines pluris fieri. Ego in hominibus infimi ordinis eam animi magnitudinem deprehendi, vt vulnere precia sibi obtrusa auerarentur, indignum ratum, carnem suam venui exponere: Quæ quum à vulgo fiunt, quid homines summo loco natos, facturos esse iudicamus? Et sanè res admiratione digna videri potest, hominum precia in publicas esse constitutiones relata, quæ nemo sine summo probro & turpitudine valeat accipere exigereq;. Vtinam aliquando ista æquiore moderationem accipiant, eorum votissimum opera qui clauum Reipub: tenent, id quod multis sumis votis exoptare videtur.

### *Breues successionum Regule.*

**S**ecundum præscriptum Iuris Maidenburgen: tres sunt ab intestato successionum gradus. Primus est linea descendens,

### *Breues successionum Regulæ.*

dentis, quæ complectitur filium, filiam, nepotem neptim, pronepotem proneptum, abnepotem abneptim, & si qui nascuntur ab illis, quod propter humanæ vitæ breuitatem raro solet contingere. In qua quidem linea consistunt sui hæredes, Et Baldus in L. apud hostes. C. de suis & le. hæredibus eandem successionem suam vocat. Saxones vero eandem ipsam descendantem lineam suæ gentis lingua sinum nuncupant, quod inde successio transferri non debeat, donec in eo hæredum nomina comprehendantur. Specu: Sa. libro 1. articulo 17.

Secundus successionis gradus est lineæ ascendens, in qua suis sedibus continentur, pater, mater, auus, aua, proauus, proaua. abauus, abaua, qui omnes in iure parentum nomen obtinent. Atque istæ personæ post descendentes succedunt præ omnibus collateralibus, eò, quod hanc quoque lineam ascendentem sinum vocitent, quippe cuius cancellos successio non egreditur, quam diu, (deficientibus nimirum hæredibus lineæ descendens) successores in eo reperiuntur.

Tertius gradus est collateralium, qui ad successionem haud quaquam admittuntur, nisi deficientibus hæredibus lineæ descendens & ascendens. Porro in tertio gradu locum sibi vendicat frater, soror, fratris & sororis filius ac filia, fratris ac sororis nepos & nepri, fratris & sororis pronepos, proneptis. Et qui à sexu masculino descendunt, agnatorum nomen retinent, ad quos tutelæ functio de iure spectat. A genere autem foemino ortum ducentes, cognati nuncupantur.

### *Prima Regula successionis.*

**O**Mnes qui consistunt in gradu lineæ descendens, siue sint mares, siue foeminae, siue sunt in patria potestate, siue non, æquis partibus succedunt, & præferuntur omnibus aliis, tam in ascendentium, quam collateralium linea conti-

nentibus.



### *Breues Successionum Regule.*

stentibus. Et enim vt supra commemoratum est, successio non transcendit septa sui finis, quam diu in eo hæredes super sint, vt insti. de hære. ab intest. ve. §. 1. & in Auten. de hære. ab intest. ve. §. Si quis igitur. C. de suis & le. hæ. Insti. de seruili cognat. §. repetitis & Sp Sax. Lib: 1. art. 3. 17 & lib: 3. art. 76. in glo. a Lib: 2. art. 23. & Iure Municip. art. 23. in glo. la. Vnde perspicuum est, filios ac filias à morte parentum superstites, æquali successionis prærogatiua gaudere, nisi forte aliqui ex illis sint à parentibus emancipati, à quibus quantum antea acceperint, conferendum est priusquam ad bonorum diuisionem admittantur: Quæ autem in collationem non veniant, habetur. Sp. Sa. lib: 1. art. 10. 13. & Iu. Mun. art. 57.

### *Secunda Regula.*

**O**Mnes qui in linea descendenti primum locum obtinent præferuntur omnibus aliis in secundo gradu consistentibus, nisi forte parentes eorum, qui in eodem secundo gradu continentur, nondum sint emancipati, tum illi loco parentum defunctorum in bona, in bona Aui & Auiæ sibi possunt iure representatio, successionem in stirpes cum reliquis hæredibus vendicare, tantum scilicet accepturi, quantum ad ipsorum parentum, si in humanis essent, sortem dinoscere peruenire, quemadmodum liquet ex Spe. Sax. lib: 1. art. 17. in glo. la. Insti. de hære. ab intesta. ve. & in Auten. eodem tit. §. Si quis igitur.

### *Tertia Regula.*

**S**I moriens nullis filiis vel filiabus extantibus, duntaxat ex aliis vel filiabus, prognatos nepotes aut neptes post se reliquerit illi similitudine in succedendo omnibus aliis ascendentibus, & collateralibus manifesto iure præferuntur.

*Quarta*

*Breues Successionum Regule.*

*Quarta Regula.*

**D**eficientibus autem hæredibus lineæ descendenti, successionis ordo ad lineam ascendētem deriuatur, in qua, si defunctus quispiam patrem reliquerit, illæ præfertur non solum matri, sed etiam omnibus aliis in ascendentiū & collateralium classe potius. Eodem etiam modo patre non existente, mater pleno iure succedit, reliquis omnibus ascendentibus & collateralibus exclusis. Spe. Sax. libro 1. att. 17. Et in hoc casu iura Saxonica aperte pugnant cum Legibus Imperialibus, quæ in successione, patrem & matrem, cum fratribus & sororibus defuncto, utroque latere coniunctis æquare videntur, ut in Auten. de hære. ab intesta. ve. §. Consequens.

*Quinta Regula.*

**Q**uoniam in directis descendentiū & ascendentiū lineis, hæredum personæ inveniuntur, tantisper omnes collaterales à successione excludi, aperti iuris est. Res est plana & peripicua, neque ullis opus habet exemplorum demonstrationibus.

*Sexta Regula.*

**I**n collateralium Successionibus quo quisque est gradu prior, hoc maiori iure omnibus remotioribus antepositur. Nam etsi interpret glosæ Germanice in annotationibus marginalibus Spe. Sax. lib. 1. att. 17. magno supercilio additis etiam coniunctis asseuerare pergat in collateralium successione ius repræsentatiuum admittendum esse. Quod quidem neque ego negauerim secundum Leges Imperiales eam assertionem locum habere posse. Cæterum de iure Saxónico quo minus assentiar, retrahit me non glosarum dissidentium perolexitas, sed apertus textus Spe. Sa. lib. 1. ar. 3. cuius hæc

*Breues successionum Regule.*

sunt verba: Qui autem se in proximiori gradu huic, de cuius hereditate agitur, probauerit, præfertur ei qui vltiori<sup>or</sup> obtinet gradum. Quibus verbis quid clarius, quid ad præsentem casum magis accommodatum dici potest? Nihil hic moramur Iureconsultorum, logomechias, quarum nullus est neq; finis neq; modus sed textum ipsum vtraq; manu cōplectimur: Neq; hic ad exemplum trahi debet, quod Nepotes & neptes, defunctis parentibus in Aui & auia bona, iure repræsentatiuo vocātur, ita enim fieri debere expresso iure cautum est. Expressa nocent, non expressa non nocent. ff. de reg. iu. At hic in iure nostro longè est diuersa ratio, nimirum vt propiores semper remotioribus anteponantur. Porro qui in vno eodemq; gradu cōsistunt æquali etiam successionis prærogatiua potiuntur. Hic animaduertendum est. fratres & sorores ab vtroq; latere, defuncto, de cuius hereditate agitur, coniunctos ( qui vulgato Saxonico loquendi more integri fratres & sorores vocantur ) præferri fratribus & sororibus, vno duntaxat vinculo coniunctis, qui mediis fratres & sorores vulgo nominantur: Meminerit autem Lector, vt docendi causa dicam, integros fratres & sorores nuncupari, ab eisdem progenitoribus, patre scilicet & matre descendentes: Medios autem fratres & sorores, qui ab vno duntaxat parente, siue patre, siue matre procedunt. Vbi autem defuncti integri fratris aut sororis filij filiaq; cum mediis fratribus aut sororibus in vita existentibus, simul concurrunt, æquali omnes successione perfruuntur, Sp. Sax. lib. 2. art. 20. Sublato itaq; iure repræsentatiuo, quod, vt commemoratum est, Iura Saxonica in collateralibus non admittunt, si nullus neque frater neque soror in viuis existat, quibus lateralis successio possit competere, tum recurrendum est ad illam generalem regulam Spec. Sax. lib. 1. cap. 17. in Cracouicā. exemplari obscurissime perscriptam, cuius hic  
est en-



36

*Breues successionum Regule.*

est iensus ex Germanico textu decerptus. Non existentibus neq; sororibus neq; fratribus, omnes qui se in vno cognationis gradu esse probauerint, æquam hæreditatis percipiunt portionem. Inde consequitur, quod fratrum filij in defuncti patris bona non in stirpes, sed in capita, haud quidem representationis beneficio sed iure proprio succedunt. Quemadmodum doct. ss. nostri seculi Iureconsultus Vlricus Zazius secundum Azonem contra Accursij & aliorum opiniones conclusit. Cui sententiæ etiam adstipulatur Constitutio Caroli V Rom. Imp. in Comitibus Spiren. Anno 1529. ædita, per quam, quicquid erat huius, controuersię, è Germania publico consilio est sublatum. Sed in hac parte vnicuiq; suum iudicium relinquendum esse existimamus.

*Septima Regula.*

**I**Nadeunda Hæreditate nullum est discrimen inter marem & fæminam, quorum opera, quemadmodum ad propagationem generis humani ex æquo requiritur, ita etiam dignum existimarunt Iuris Maydenburgen. conditores, vtrūque sexum æquali successionis iure gaudere. A qua generalitate excipimus Geradam & arma bellica. Nam illa cognata, Hæc vero duntaxat agnati accipiunt, iniquissimo sanè instituto, si quis rerum circumstantias rectis rationibus expendat, vt antea quoque demonstratum est.





# L E C T O R I

S. D.


**E**cclesiastes scribit, faciendorum librorum nullum esse finem, proinde nemo mirabitur, si ego quoque non librum ædere, sed cartas aliquot in gratiam iuuentutis perdere in animum induxerim, tamen ea omnia doctissimorum virorum censuræ subiecta sunt. Vale.


F I N I S.




6-  
172  
28











Biblioteka Jagiellońska



stdr0010276

16240 I      Oprawę wykonano  
w Oddziale Konserwacji  
Biblioteki Jagiellońskiej  
lipiec - październik 1983

